



Uluslararası Sosyal Araştırmalar Dergisi
The Journal of International Social Research
Cilt: 7 Sayı: 29 Volume: 7 Issue: 29
www.sosyalarastirmalar.com ISSN: 1307-9581

ÜÇ NAZİRE MECMUASINDAN HAREKETLE MUHİBBİ'NİN DÎVÂNINDA BULUNMAYAN ŞİİRLERİ

THE POEMS NOT BEING IN THE DIWAN OF MUHİBBİ FROM THE POINT OF THREE
NAZİRE COLLECTIONS

Kamil Ali GIYNAŞ*

Öz

Şair mecmuaları, umumiyetle aynı veya birbirine yakın yüzyıllarda yaşamış birçok şairin şiirlerini bir arada bulunduran önemli eserlerdir. Bunlar, yazıldıkları dönemdeki edebiyat beğenisini vermeleri, şairlerin divanlarında bulunmayan şiirlerini içermeleri, tezkirelerde adı geçmeyen şairlerin şiirlerini ihtiva etmeleri, divanı olmayan ya da bilinmeyen bir şairin şiirlerini tespit etmeleri bakımından edebiyat tarihimiz için değerli kaynaklardır. Şiir mecmualarının bir işlevi de şairlerin divanlarında yer almayan kimi şiirleri ihtiva etmeleridir.

Muhibbi Dîvâni Klasik Türk Edebiyatı'nda en hacimli divanlardan birisidir. Bu yazıda Klâsik Türk Edebiyatı için çok önemli olan üç nazire mecmâusu Câmi'ü'n-nezâ'ır, Mecma'u'n-nezâ'ır ve Pervâne Bey Mecmuası'nda bulunan; ancak Muhibbi'nin Dîvânu'nda yer almayan şairler tespit edilmiş ve şiirlerin metinlerine yer verilmiştir.

Anahtar Kelimeler: Mecmua, Nazire Mecmuası, Pervâne Bey Mecmuası, Câmiü'n-nezâ'ır, Mecma'u'n-nezâ'ır, Muhibbi, Muhibbi Dîvâni.

Abstract

The poetry collections are valuable documents comprising the poems of many poets who were alive in the same or near centuries. The factor making nazires important and valuable is that the nazires carry the features of important information related the history of literature over time. These collections have many contributions to our history of literature since they indicate the fancies of their era and influences among poets and, besides, they exhibit hundreds of poems of many poets whose names are not available in other sources. Important sources for the history of literature as a function of the poetry collections containing poems by poets who are not included in diwans.

Muhibbi's Diwan is one of the most voluminous diwan at Classical Turkish Literature. In this article, the poems which are not being the diwan of Muhibbi identified and giving in to text of poems from the point of Câmiü'n-nezâ'ır, Mecma'u'n-nezâ'ır and The Collection of Pervâne Bey.

Keywords: Collection, Nazire Collections, The Collection of Pervâne Bey, Câmi'ü'n-nezâ'ır, Mecma'u'n-nezâ'ır, Muhibbi, Diwan of Muhibbi.

GİRİŞ

Şair mecmuaları, derlendikleri dönemdeki edebiyat beğenisini vermeleri, şairlerin divanlarında bulunmayan şiirlerini içermeleri, tezkirelerde adı geçmeyen şairlerin şiirlerini ihtiva etmeleri, divanı olmayan ya da bilinmeyen bir şairin şiirlerini tespit etmeye katkıları bakımından edebiyat tarihimiz için önemli kaynaklardır. Şiir mecmuaları kategorisine giren nazire mecmuaları, derlendikleri dönemde rağbet gören şairlerin şiirleri ve onlara yazılan

* Dr., Ahi Evran Üniversitesi, Fen-Edebiyat Fakültesi, Türk Dili ve Edebiyatı Bölümü.

nazireleri ihtiva ederler. Bunlar sayesinde devrin izlenilen ve beğenilen şairleri, kimin hangi şairden etkilendiği gibi bilgilere ulaşılabilir.

Bu yazında 16. yüzyılda derlenmiş üç nazire mecmuasından hareketle Muhibbî'nin Dîvân'ında bulunmayan şiirleri tespit edilmiş, bu şiirlerin metinlerine yer verilmiştir. Bu nazire mecmuları şunlardır:

1. 16. yüzyılın ilk nazire mecmuası Eğridirli Hacı Kemal'in derlemiş olduğu Câmi'u'n-nezâ'ır'dır. H. 918/M. 1512-13'de derlenmiştir. Fuat Köprülü, mecmuada şiiri bulunan şairlerin listesini yayımlamıştır. En hacimli nüshası Bayezid Kütüphanesi, Nu. 5781'de yer alan eserin muhtasar bir nüshası da DTCF Kütüphanesi'nde bulunmaktadır. Mecmua, Yasemin Morkoç tarafından doktora tezi olarak çalışılmıştır¹.

2. Edirmeli Nazmî tarafından H. 930/M. 1522'de tamamlanan Mecma'u'n-nezâ'ır 16. yüzyılın ikinci nazire mecmuasıdır. Mecma'u'n-nezâ'ır'de 357 şairin 5527 şiiri bulunmaktadır. Bu şiirlerin 5490'ı gazel, 37'si murabbadır. Mecmua üzerine M. Fatih Köksal doktora tezi hazırlamıştır (Köksal, 2001).

3. 16. yüzyılın derleyeni bilinen diğer bir nazire mecmuası da Pervâne b. Abdullah tarafından derlenen nazire mecmuasıdır. H. 968/M. 1560-1561 yıllarında derlenmiş olan mecmuanın tek nüshası Topkapı Sarayı Kütüphanesi Bağdat Nu. 406'da kayıtlıdır. Eser 643 yapraktır. Mecmuada 550 şaire ait 7345 zemin şiir ve nazire, bir kısmının zemin şiiri ve naziresi de bulunan, 74 şaire ait 827 geçiş şiiri olmak üzere toplam 8172 şiir bulunmaktadır. Mecmua, Kamil Ali Gınyaş tarafından doktora tezi olarak çalışılmıştır (Gınyaş, 2013).

Muhibbî mahlasıyla şirler yazmış olan Kanuni Sultan Süleyman'ın Dîvân'ı şimdije kadar üç kez neşredilmiştir. İlkî Âdile Sultan tarafından 1309 yılında bastırılmıştır². Vahit Çabuk, Âdile Sultan'ın neşrettiği bu Dîvân'ı 1980 yılında Tercüman 1001 Temel Eser Serisi 154-155-156 numaralı kitapları üç cilt hâlinde yeni Türk harfleri ile yayımlamıştır³. Son olarak ise Coşkun Ak tarafından 23 yazma nüsha ve Âdile Sultan tarafından basılan eser de dâhil olmak üzere karşılaşmalıdır metni yayımlanmıştır⁴. Bu çalışmada Coşkun Ak tarafından hazırlanan Muhibbî Dîvânı esas alınmıştır.

Aşağıdaki tabloda Muhibbî'nin Dîvân'ında yer almayan şiirler, bu yazındaki sıralarıyla belirtilmiş ve hangi şiirin hangi mecmuada olduğu gösterilmiştir:

Şiir No	Pervâne Bey Mecmuası	Mecma'u'n-nezâ'ır	Câmi'u'n-nezâ'ır	Şiir No	Pervâne Bey Mecmuası	Mecma'u'n-nezâ'ır	Câmi'u'n-nezâ'ır
1	x	x		59	x	x	x
2	x			60	x	x	
3	x			61	x		
4	x			62	x	x	
5	x			63	x	x	
6	x	x		64	x	x	
7	x	x		65	x		
8	x	x		66	x	x	
9	x	x		67	x	x	
10	x	x		68	x	x	
11	x			69	x	x	
12	x	x		70	x	x	

¹ Bu tez görülememiştir, çalışmada Câmi'u'n-nezâ'ır'ın Bayezid Kütüphanesi'ndeki nüsha kullanılmıştır.

²Dîvân-ı Muhibbî, Matbaa-i Osmâni, İstanbul 1309/1893/94.

³ Çabuk, Vahit (1980), Dîvân-ı Muhibbî I-II-II, Tercüman 1001 Temel Eser: 154-155-156, İstanbul.

⁴ Ak, Coşkun (1987), Muhibbî Dîvânı, Ankara: Kültür ve Turizm Bakanlığı Yayıncılığı.

13	x	x		71	x	x	
14	x	x		72	x	x	
15	x	x		73	x	x	
16		x		74	x		
17		x		75	x		
18		x		76	x		
19		x		77	x	x	
20		x		78	x	x	
21		x		79	x	x	
22		x		80	x	x	
23		x		81	x	x	
24		x		82	x		
25		x		83	x	x	
26		x		84	x		
27	x	x	x	85	x		
28	x			86	x		
29	x			87	x		
30	x	x		88		x	
31	x	x		89		x	
32	x	x		90	x		
33		x		91	x	x	
34		x		92	x		
35	x			93	x		
36	x			94	x	x	
37	x	x		95	x		
38		x		96	x		
39		x		97	x		
40	x	x		98	x		
41	x	x		99	x	x	
42	x			100	x		
43	x	x		101	x		
44		x		102	x		
45		x		103	x	x	
46	x	x		104	x	x	
47	x	x		105	x	x	
48	x	x		106	x		
49	x	x		107	x	x	
50	x	x		108	x	x	
51	x	x		109	x	x	
52	x			110	x		
53	x	x		111	x	x	
54	x	x		112	x	x	
55	x			113	x	x	
56		x		114	x		
57		x		115		x	
58	x	x		116		x	

Bu tabloya göre:

Pervâne Bey Mecmuası'nda Muhibbî'nin 292 şiri bulunmaktadır. Bunlardan 93 tanesi Dîvân'da bulunmamaktadır.

Edirneli Nazmî'nin Mecma'u'n-nezâ'ir adlı eserinde Muhibbî'nin 206 şiri bulunmaktadır. Mecma'u'n-nezâ'ir'de Muhibbî'nin Dîvân'ında olmayan 81 şiri bulunmaktadır. Pervâne Bey'de Dîvân'da bulunmayan şiirlerle Nazmî'nin eserindeki şiirlerin 58 tanesi aynıdır. 23 tanesi ise Pervâne Bey'de bulunmamaktadır.

Eğridirli Hacı Kemâl'in Câmi'ü'n-nezâ'ir'inde Muhibbî'nin 2 gazeli bulunmaktadır. Bu iki gazel Dîvân'da bulunmamaktadır. Câmi'ü'n-nezâ'ir'de ilk şiir 146a'dadır ve bu şiir hem Pervâne Bey'de, hem de Mecma'u'n-nezâ'ir'de bulunmaktadır. 362a'da yer alan şiir de aynı şekilde Pervâne Bey Mecmuası'ndave Mecma'u'n-nezâ'ir'de yer almaktadır.

Sonuç olarak üç nazire mecmuasından hareketle Muhibbî'nin Dîvân'ında bulunmayan 116 adet şiirinin bulunduğu tespit edilmiştir. Bunlardan 1'si (44. şiir) murabba, 115'i ise gazeldir.

Metnin Kuruluşunda İzlenen Yöntem:

1. Metin verilirken şiirlere numara verilmiş, dipnotta ise Pervâne Bey Mecmuası ve Mecma'u'n-nezâ'ir'deki sıra numaraları, Câmi'ü'n-nezâ'ir'deki varak numarası verilmiştir. Dipnotlarda Pervâne Bey Mecmuası "PB", Mecma'u'n-nezâ'ir "MN", Câmi'ü'n-nezâ'ir "CN" kısaltmalarıyla belirtilmiştir.

2. Bir eserde yar alıp diğerinde yer almayan beyitler metne eklenmiş, örneğin birinci şiirin altıncı beyti PB'de var, MN'de yok ise dipnotta 6: -PB şeklinde gösterilmiştir. Kelime farklılıklarına ise hacimli olan yazının hacmini daha da artırmamak adına degeinilmemiştir.

3. Şiirler kafiye harfine göre sıralanmıştır.

4. Metin tamiri yapılan yerler köşeli parantez [] içinde gösterilmiştir.

5. Vezinle ilgili hususlarda M. Fatih Köksal tarafından yayımlanan (2009: 63-86) "Metin Neşrine Vezinle İlgili Problemler, Bazı Tespit ve Teklifler" adlı makaledeki tekliflere uyulmaya özen gösterilmiştir.

6. Arapça ve Farsça kelime ve tamlamalarda Ziya Avşar tarafından yayımlanan (2008: 59-95) "Tenkitli Metin Neşrine İmla Sorunu Üzerine Yeni Düşünce ve Öneriler" adlı makaledeki tekliflere uyulmaya özen gösterilmiştir.

METİN:

1*

Vezin: - - - / - - - / - - - / - -

1 Cevr ile cân almak olmuşdur hemi̇ş hū saña
Anuñ içün cân ile dil virdüm ey mehrū saña

2 Alnuña hayrândurur meh yüzüñe şeydā güneş
Ol sebedden gice gündüz yüz surer her dü saña

3 Ey göñül çünki tolaşduñ bend-i zülf-i dilbere
Ey gözüm şimden girü olsun hârâm uyhu saña

4 Her kaçan kaşd eyleseñ sînemde bağrum delmege
Tîr-i gamzeñ gelmediñ cânım çıkar karşu saña

5 Âteş-i şevkine karşı ey Muhibbî hastesin
Cân virürseñ virmez ol mehrû bir içim şu saña

2*

* PB: 78, MN: 156.

Vezin: - . . . / - . . . / - . . . / - . .

- 1 İňlerem ney gibi her dem rûy-i cânandan cûdâ
Bir kuru cismem ki düşüm düstlar cândan cûdâ
- 2 Gülsen-i vaşlunda bu cân bülbüli şâdân iken
Çerh-i zâlim eyledi sen verd-i hândandan cûdâ
- 3 Eşk-i çeşmüm hasret ile şu gibi oldı revân
Ol şanavberkâmet ü serv-i hîrâmândan cûdâ
- 4 Şem' gibi gözlerüm yaşı yiñilmez tâ seher
Düşeli ol ruhları şem' -i şebistândan cûdâ
- 5 Kûh-i gamda key perişân olmuşam Mecnûn gibi
Ol saçı Leylâşîfat zülf-i perişândan cûdâ
- 6 Heçr ile zârī kılur diler Hûdâ'dan rûz u şeb
Îre vaşlina Muhibbī ola hicrândan cûdâ

3*

Vezin: - . . . / - . . . / - . . . / - . .

- 1 Gel saçı Leylâ'sına ey dil nazar kıl dâyimâ
Göñlüni Mecnûn gibi zîr ü zeber kıl dâyimâ
- 2 'Âlem-i 'ulyayı seyr itmek dilerseñ ey göñül
Hâk-i pây-i dilberi kuhl-i başarı kıl dâyimâ
- 3 Kaşı yayına komış gamze okın cün ol habîb
Râhat-i dil dileseñ sîneñ siper kıl dâyimâ
- 4 Bulmaduñ cün dâmenine destres biçâre dil
Bâr/ısen bülbul gibi âh-i seher kıl dâyimâ
- 5 Hâk olursa zecr ü hecrinden Muhibbī hastedil
Ey şabâ merdümlük it yâra haber kıl dâyimâ

4*

Vezin: - . . . / - . . . / - . . . / - . .

- 1 Cümle 'âlem bir yaña 'âşık-i rûsvâ bir yaña
Dâmenin elden komaz öince ol tâ bir yaña
- 2 Kaddi reftarı yanında hîçe şaymazlar anı
Serv ü 'ar' ar bir yaña ol kâdd-i bâlâ bir yaña
- 3 Bakuban aña irakdan oluram hayrânvar
Her kaçan itse perîveş seyr-i tenhâ bir yaña
- 4 Zülf-i 'anberbârina kıymetde 'âciz oldılar
Cem' olup 'âlemde hep a'lâ vü ednâ bir yaña
- 5 Gamze-yi hûnrızidür alan Muhibbī cânını
Mâni' olma ey leb-i la'li Mesîhâ bir yaña

5*

Vezin: . . . / . . . / . . . / . . .

- 1 Dime zahmetsüz ele vuşlat-i cânân görünür
Baña sen añmayasın dime saña cân görünür

* PB: 458.

* PB: 470.

* PB: 586.

* PB: 1438.

2 Bir cevâb itdi lebinden yine ol 'İsâdem
 Ğam yime hâste göñül derdüne dermân görinür

3 Leblerün dâyiresini n'ola ger tutsa hâtuñ
 Zulmet içinde dinür çeşmine hayvân görinür

4 Niçe yıl fîkr iderem hattı-ı gûbâr-ı yâri
 Ol sebebden bu göñül vâlîh ü hayrân görinür

5 Yaşlarum âb-ı revân oldı Muhibbi akaraç
 Şöyle beñzer o boyı serv-i hîramân görinür

6*

Vezin: --- / . . . / . . . / . . .
1 Gerçi cihân içinde olupdur şeker lezîz
 Ammâ ki lebün gibi degül ey püser lezîz

2 Olmaz behîst mîvelerinden bîri bedel
 Vaşluñ na' imi bitüre hûrmâ-yı ter lezîz

3 Kim dikdi bâg-ı sineye 'ışkuñ nihâlini
 Hâç gamdan özge ummasun andan şemer lezîz

4 Cevr ü cefâñi 'âşıka az itme lutf kıl
 Olmaz cihânda ehl-i dile bu kadar lezîz

5 Vaşf-ı lebini itme muşavvel kıl ihtişâr
 Sözde Muhibbi çünki olur muhtaşar lezîz

7*

Vezin: / / . . .
1 Çü servüñ kadd-i yâra nisbeti var
 Yüce olsun ki 'âli himmeti var

2 'İzâruña müşâbih olduğuçün
 Kamu mehrûda la' lüñ rağbeti var

3 Şekerveş leblerin vaşf iden anuñ
 Mükerrer eylesün kim şöhreti var

4 Gözi hûnrîze inkâr itmesün kim
 Yanında hançerinüñ hümreti var

5 Recâ-yı bûsede ider tecâvüz
 Keseyin mi lisânuñ sebâkatı var

6 Zûlalinden umar bu hâste göñlüm
 'Atâ itmezse gâyet hısseti var

7 Olursa bu güne olsa vefâsi
 Ki ferdâya şalanuñ 'illeti var

8 Gül ü mûl şohbetin fevt itme sâkî
 Bilürsin kim bahâruñ sur' atı var

9 Ele girdüğü dem yâruñ ayağı
 Öpüp başa koyanuñ devleti var

10 Kaşı yâsına cân iderse kurbân
 Muhibbi'nüñ muâkarrer rif' atı var

* PB: 1468, MN: 841. 1b: Vezin kusurlu.

* PB: 1699, MN: 1603. 3: -PB // 8: -PB.

8*

Vezin: - . . . / - . . . / - . . . / - . .

- 1 La' l-i dilber bu gözümde her kaçan piñhān olur
Şad olur ǵamdan yidgium içdüğüm hep ǵan olur
- 2 Zahmete girme tabibā çek elüñ bu ǵasteden
‘Aşık-ı dilhasteye derdi yine dermān olur
- 3 Her kaçan ah eyleyüp döksem gözüm bārānını
Gül gibi gülzār-ı hüsn içre güler ǵandān olur
- 4 Kime taǵırır eyleyem kime bu dil esrārını
Güş iden aḥvālumi benden beter ǵayrān olur
- 5 Tır içün sehm-i sa' ādetdür naşib ola diyü
Bu Muhibbi ǵaşları yāsin görüp ǵayrān olur

9*

Vezin: - . . . / - . . . / - . . . / - . .

- 1 'İd olıcağ seyr ider her kes yürür ǵandān olur
'İd-ı vuşlat olmasa ol gün baña zindān olur
- 2 Ben ezelden 'ışk cāmin içmişemdir düstlar
Gice gündüz anuñ içün cān u dil ǵayrān olur
- 3 Gözlerüm yaşıń şarāb u baǵrumu itdüm kebāb
Hayl-i dilden cün hayal-i dirlübā mihmān olur
- 4 Gün yüzinde olmasa aşufe alnında ǵamer
Yā niçün anlar yürür 'ālemde sergerdān olur
- 5 'Aşık-ı şadık olanlar derde dermān istemez
Ey ǵabib ǵoǵıl beni derdüm baña dermān olur
- 6 Ağlasam ol ǵonçeleb ǵandān olursa tāñ midur
Her kaçan bārān olur gül açılır ǵandān olur
- 7 La' l-i nābuñ ǵasretinden bu Muhibbi ağlasa
Gözinüñ yaşı anuñ ya dürr ü yā mercān olur

10*

Vezin: - . . . / - . . . / - . . . / - . .

- 1 Baǵmaǵ ile rāhina çār oldı çeşm-i intizār
Ol sebebeden eşk ile eṭrafum oldı lālezār
- 2 Vā' izüñ dün virdüğü nedür ǵiyāmetden ǵaber
Simdi bildüm didüğü imis şeb-i hicrān-ı tār
- 3 Na' resinden bülbülüñ çāk-i giribān itdi gül
Zārlığum 'aynına almaz 'acebdür ol nigār
- 4 Nāgehān bir peyk virse bana cānān müjdesin
Eyler idüm pāyına ol demde cānumu nişār
- 5 Dāyim ister dergeh-i Haǵ'dan Muhibbi derdmend
'Ömr ü devlette ola ol ǵaşr olınca berkarār

11*

* PB: 1835, MN: 1268.

* PB: 1838, MN: 1267.

* PB: 2053, MN: 965.

Vezin: - . - / - . - / - . - / - . -

- 1 Şem^c -i hüsnuñe şchâ cân u gönül pervânedür
Tolaşur zencir-i zülfüne dilüm dîvânedür
- 2 Ten gözüyle görmez isem ǵam degül cānān yüzin
Cân gözüyle kanda baksam görinen cānānedür
- 3 Düşüren sevdâ-yı zülfidür beni sevdâlara
Anuñ içün gönlümüñ fikri ǵamu kâşanedür
- 4 Eyledüm ‘ışk ăteşine dûstlar cānum sipend
Ăteşe düşen kişiñüñ ăhiri pes yâ nedür
- 5 Mey yirine ǵanumı hûni ǵözi her dem içér
Kâfir-i bedmest olanuñ işi dâyim ǵanadur
- 6 Zâhidâ olsun mübârek cennet ü mescid saña
Ben ǵarâbat ehliyem mesken baña meyhânedür
- 7 Bezm-i ǵamda cân atar şem^c -i ruh-ı cānâneye
Şanasın mihnet şebinde bu gönül pervânedür
- 8 Mest olup dil haşre dek huşyâr olmazsa ne ǵan
Çün Muhibbi sevdüğü ol gözleri mestânedür

12*

- Vezin: - . - / - . - / - . -**
- 1 Bahâr irişdi gel vakıt-i çemendür
Cihân bûlbûl üninden pûrnâgamdur
- 2 Getür sâkî şarâb-ı ergavâni
Geçürme furşatı kim dem bu demdür
- 3 Mügânnî al ele sâzuñi söylet
Nażar ǵıl ‘âleme bâg-ı İrem’dür
- 4 Meyi tut hürmet ile câmî gözle
Ferîdûn ǵâke [bir] hüb hîyemdür
- 5 Muhibbi devletinde şâh-ı ‘ıskuñ
Belâ vü derd ü mihnetden ne kemdür
- 6 Kapuñdan cûrmüm ile itme maḥrûm
Kerîmün işi gün dâyim keremdir

13*

- Vezin: - . - / - . - / - . -**
- 1 Cemâli zâhir egerçi nihândür
Velî cân çeşmine her dem ‘ayândür
- 2 Bahâ şordum metâ^c -i la’l-i yâra
Didiler naqd-i câna râyegândür
- 3 Giceler tâ seher ol gül ǵamandan
İşüm bûlbûl gibi ăh u fiğândür
- 4 Miyânından ǵâber kim var dir ise
Sözi taşdîk olınmaz çün gümândür

* PB: 2553.

* PB: 2594, MN: 1568. 6: -PB.

* PB: 2602, MN: 1587. 4: -PB // 6: -PB // 7: -PB.

5 Didüm ey servkad pâyuña her dem
İki çeşmüm iki cûy-i revândur

6 Sabâ sünbül saçından bû ileteñ
Hıta'ya Çin'e ulı armağandur

7 Nigârâ gîrre olma devr-i hüsne
Güzellik tîz geçer usbu cihândur

8 Teraḥhum eyle kuluñdur Muḥibbi
Yanar 'ışkuñla cānā çok zamândur

14*

Vezin: - . . / - . - / . - - / - -

1 Göz yaşı degül küh-i belâ cûybâridur
Dûd-i dilüm[ün] üstine ebr-i bahârîdür

2 Kanlu yaşumu sînemüñ üstinde dir gören
Şâhrâ-yi belâ vâdîsinüñ lâlezâridur

3 Rûz-i ezelde içdi bu dil 'ışk câmîni
Dağı başumda görünen anuñ һumâridur

4 Her kim ki dikdi sîneye 'ışkuñ nihâlini
Derd ü belâ vü miñnet ü gam berg ü bârudur

5 Şakla Muḥibbi'sînede tîrini cân gibi
Çün kim saña ol kaşı yâ yâdigâridur

15*

Vezin: - . - - / - . - - / - . - - / - . -

1 Nâle vü âh itdiğümce âh iderler taqlar
Nitekim efgân iderler şayrı için şâqlar

2 Kûy-i dilber çevresinde cûş iden Ceyhûn gibi
Gözlerümüñ yaşıdur kim irmâg olup çâqlar

3 Bu semâda gorinenler berk u bârân şanmañuz
Çerh-i gerdân yakılıp ben hâste içün ağlar

4 Nevbahâr oldı göreydük diyü dildâruñ yüzün
Gözlerinden yaş dökerler gice gündüz bâqlar

5 Gün yüzünüñ hasretinden lâle miskîn sebzde
Kîpkızıl kâna boyanup yüregini dâqlar

6 Seyre gele diyü ışâr itmek içün pâyına
Dâmenini tolù güller eylemiş yaylaqlar

7 Hemnişîn olam dir imiş ba'žîlar ol mehruha
Hiç ola mi tûtîle cem' olalar zâqlar

8 Har rakîbi öldüréyin didögüm her dem bu kim
Derisine müsteriyüz didiler debbâqlar

9 Yâr Muḥibbi hâblar içre eyle meşhûr oldı kim
Halâk-i 'âlem hâyretinden işirur barmaqlar

16*

* PB: 2613, MN: 1691. 1a: Vezin kusurlu // 2b: Vezin kusurlu // 5b: Vezin kusurlu.

* PB: 2805, MN: 1130. 2: -PB // 5: -PB // 6: -PB // 7: -PB.

* MN: 997.

Vezin: - . . . / - . . . / - . . . / - . .

- 1 Haddi üzre her kaçan zülfini dilber dağıdır
İhtiyār elden gider kim göre ‘aklın dağıdır
- 2 Nâşihâ pend eyleme ‘uşşâka pend itmez eser
Çün ezelden ‘akl u ‘ışık bir birne kara yağıdır
- 3 Hâk-i râhuñ üzre ister dil döke yüz şuyını
Anda çeken bilmez anı şuyı yâ topağıdır
- 4 Gözlerüm yaşı ‘acebdür arturur dil atesin
Şanasın ki eşk-i çeşmüm ol çerâgûn yağıdır
- 5 İki gözlü köprü kaşum anuñ altında akar
Biri miñnet cûyıdır biri belâ irmâğıdır
- 6 Alsalar tañ mı gübârum tütüyâves hûrlar
Zîra sen serv-i hîramânuñ ayağ topağıdır
- 7 Ey Muhibbiî kondı cün mülk-i dile sultân-ı ‘ışık
Her hâbab-ı eşk kim vardur anuñ otağıdır

17*

Vezin: - . . . / - . . . / - . . . / - . .

- 1 Sevdüğüm bir mâhpeyker hûblar sultânıdur
Kişver-i dil kim hârab olmuşdur anuñ hânidur
- 2 Mîşr-ı hüsünün hakkıün kim kîble-yi cândur baña
Gözlerüm yaşı akar kûyuñda Nîl irmâğıdır
- 3 ‘Âleme baş egmeyüp âzâde yürüken gönü'l
‘Işka düsdi bir nigâruñ bende-yi fermânidur
- 4 ‘Işkı Ferhâd ile Mecnûn'a niçün teslîm ider
Biri bir dîvâne biri bir ‘Arab ‘uryânidur
- 5 Gönlümüñ kîndiline peykân-ı dilberdür fetîl
Şu' le viren bu Muhibbiî'nüñ yüregi yağıdır

18*

Vezin: - . . . / - . . . / - . . . / - . .

- 1 Nâle döndürdi meni cün ol hilâli kaşlar
Ölür isem ǵam degül diñ o yaşasun yaşlar
- 2 Gârk idiser bâhr-i ǵam âhir bu gönlüm zevrâkin
Çünkü başdan aşdı bu gözümden aken yaşlar
- 3 Sol kadar urduñ cefâ tırını bu dil mülkine
Bağrum içre çıktı bîhâd kanlu kanlı başlar
- 4 Bir belâkeş ‘âşikam cün hûn-ı dildür virdügüm
Bisürüp ǵam maþbahânda dürlü dürlü aşlar
- 5 Nice medh itsün Muhibbiî zülf ü ruhsâruñ senüñ
Bir kîluñ resminde cün ‘âciz ǵalur nakkâşlar

19*

Vezin: - . . . / - . . . / - . . . / - . .

- 1 Gün yüzinde ǵoş yaraşur ol hilâli kaşlar

* MN: 1064.

* MN: 1090.

* MN: 1091.

Kim anuñ naşında ‘ācizdür şamu nağkâşlar

- 2 Kanda kim gül açılır lâbüd olur anda hâzân
Kanķı dilde kim maħabbet var aķidur yaşlar
- 3 Bilmedüm zülfüñ midür bu şimdiki dâm-ı belâ
Cânuma kaşd eyleyen ǵamzeñ midür yâ kaşlar
- 4 Gözlerüm yaşlar döker kirpüklerüm cârûb olur
Benden ögresün şamu bu hîzmeti ferrâşlar
- 5 Ey Muhibbi zülf çevgânına el ursa nigâr
Tüb olur meydân-ı ‘ışık içinde niçe başlar

20*

Vezin: - . . - / - . . - / - . . - / - . -

- 1 Tîr-i ǵamzeñ sineme şol deñlü urdu yâreler
Yâreler kan ağlayup her dem saña yalvaralar
- 2 Hadd ü hâlüñ hasretinden lâle baġrm dâg idüp
La’l-i nâbuñ çün şarâba düşmişüz âvâreler
- 3 Mest-i hûnh̄aruñ görüp dil nice pürhûn olmasun
Sâhire sihîr ögedürler ol gözü mekkâreler
- 4 Gerçi la’l-i lebi cânlar baġışlar ‘âşıka
Gamze-yi mesti velî cânlı cigerler pâreler
- 5 Hâk-i pâyında örürseñ ey Muhibbi ǵam yime
Bir kızıl manķûra şaymaz bil seni mehpâreler

21*

Vezin: - . . - / - . . - / - . . - / - . -

- 1 Çîn-i zülfünde didüm niçün dil ü cân bağlanur
Didi kâfir destine girse müselmân bağlanur
- 2 Şu’ le-yi āhum görünür her şehir şanmañ şafaq
Her gice dûd-ı dilümden râh-ı keyvân bağlanur
- 3 Kirpüğüm göz yaşına sedd eyledüm sedd olmadı
Hâr u hasla kim görüpdür râh-ı ‘ummân bağlanur
- 4 Hüsnüñün mecmû‘ asından bir varak şerh eylesem
Niçe niçe defter [ü] evrâk-ı dîvân bağlanur
- 5 Her kaçan kim zülfî çevgânına el ursa nigâr
Kelle-yi ‘uşşâkdan sercümle meydân bağlanur
- 6 Nice medh itsün Muhibbi ol güzeller şâhini
Ehl-i dilden her şehir kûyunda dîvân bağlanur

22*

Vezin: . . . - / . . . - / . . . - / . . . -

- 1 Benüm gibi meger cânâ ruhuña lâle ‘âşıkdir
Anuñçun dâg-ı miħnetle demâdem baġri yanıkdur
- 2 Bahâr-ı hüsnüne karşu benüm serv-i hîrâmânum
Aķar gözüm yaşı Ceyhûnleyin her dem bulanıkdur

* MN: 1136. 4a: Vezin kusurlu.

* MN: 1313.

* MN: 1503.

- 3 Gider boynuñdan ey mehrū n'idersin zülf-i zencirin
Çü ben dīvāne-yi 'ışkam benüm boynuma läyikdur
- 4 Atarsın ǵamzeñ okını baña ey kaşı yā her dem
Dil-i şadpäre anuñçün kızıl kana boyanıkdur
- 5 Ne ǵam cānā eger zāhir göz ile seni görmezsem
Bu cān gözü uyur şanma seni gözler uyamıkdur
- 6 Nigārā şanma 'ışk içre Muhibbi terk-i ser kılmaz
Yoluñda öldüğüm vallāh reh-i 'ışkuñda şadıkdur

23*

Vezin: .---/.---/.--

- 1 'Aceb sünbül midür zülfün ya 'anber
Dimāğ-ı dehr olur andan mu'atṭar
- 2 Gözüñ nergis yañaǵuñ gül olaldan
Boyuña bendedür serv ü şanavber
- 3 Kaşuñ mihrabına kāmet getürdüm
Görüp yüzüñ didüm *Allāhū ekber*
- 4 'Aceb bu ǵamze midür yā ho cellād
Dutar hāzır elinde tiğ u hançer
- 5 El urmaǵ mümkün idi genc-i hüsne
Eger zülfini almasayı ejder
- 6 Ölelüm rahm idüp meyl ide dildār
Gözüñ yaşını sim it rūyuñi zer
- 7 Muhibbi zikr ider şeker lebüñ cün
Olur her bir sözü kand-i mükerrer

24*

Vezin: ---/.---/.---/.---

- 1 Kūyuñda bu ben 'aşıkā dīvāne disünler
Dīvāne dimeyüp baña pes yā ne disünler
- 2 Dilteşne olup hecr ile yanmazdan öñürdi
Hälümi benüm çeşme-yi hayvāna disünler
- 3 Şem'-i ruhına yakısaram bāl ü per āhir
Cānimı nişār eyledi pervāne disünler
- 4 Çevgān idüben zülfini aldukdə ele yār
Kim başını tūb eyleye meydāna disünler
- 5 Mecnunşıfat düseli taǵlara Muhibbi
Çeksün ser-i zülfine ki uşlana disünler

25*

Vezin: ---/.---/.---/.---

- 1 Gördükçe beni yārina tañ kaçsa yiri var
Çün iki taraf zülfî gibi bāl ü peri var
- 2 Cān giş olup hayrete dil virse 'aceb mi
Görindi anuñ gözine cün yār perīvār

* MN: 1541.

* MN: 1631.

* MN: 1647.

3 Meclisde öper yarı kadeh gibi lebinden
Kimün ki bugün elde şolu sim ü zeri var

4 Salınsa eger gelse 'araş yüzine yāruñ
Gül üzre eger jäle disem aña yiri var

5 'Ālemde Muhibbi ne 'aceb şadîye yir yok
Gam leşkeri dil mülkine yayladı çerivâr

26*

Vezin: - . - / - . - / - . - / - . -

1 Derün-i sineden dem dem gelenler ah u zāridur
Giceler görinen encüm degül ahum şirāridur

2 Ölürsem rāh-i kuyında dikesüz taş işigini
Görenler diyeler râhmet şehîd-i 'ışık mezâridur

3 Anuñün gözlerüm yaşı akar şâhrâ-yı sîneme
Belâ kuhsâridur yaşam iki 'aynum bînâridur

4 Riyâ vü zerk ü tezvîri cihânda iħtîyâr itdüñ
Şanursın zâhidâ 'ışkı bu daħlu iħtîyâridür

5 Didiler yâreler n'eyler Muhibbi sine vü dilde
Didüm ki bir kemânebrû nigâruñ yâdigâridur

27*

Vezin: - . - / - . - / - . - / - . -

1 Dembedem feryâd ider bîçâre dil dildârsuz
Bülbül-i üftâdedür kim zâr olur gülzârsuz

2 Çünkü ayırdı beni sevgülü yârumdan felek
Pes ḥarâm olsun baña dünyâda dirlik yârsuz

3 Sen melekârı ne dil teşbîh ider insâna kim
Bir kûri şüretdür ol güftârsuz reftârsuz

4 Dün lebinden büse 'ahd itmişdi dildârum bugün
Gör yine ķavline inkâr eyler ol ikrârsuz

5 Tâkati ķalmadı kim sensüz Muhibbi söz diye
Cândan ayrılsa beden läbüd ķalur güftârsuz

28*

Vezin: - . - / - . - / - . - / - . -

1 Nevbahâr eyyâmi geldi kim olursa yârsuz
Bülbül-i bîçâredür kim ķalisar gülzârsuz

2 Gâh serv üzre gehî gül üzre bülbül nağmesâz
Olmuşam ben mübtelâ ol serv-i gülruhsârsuz

3 Dilberüñ aḡyârı bîħad olduğuñ 'ayb eyleme
Bu cihân bâğında hâç bir gül biter mi hârsuz

4 Mey virürsin bârî bend it zülfüñi ey muğbeçe
Kim şarâb içmek muğ ile hoş degül zünnârsuz

5 Bu Muhibbi lač l-i nâbuñ ġastesidür ey şanem

* MN: 1692.

* PB: 3126, MN: 1821, CN: 146a.

* PB: 3143.

Bir şoragel ölü ise olmasun ḫimārsuz

29*

Vezin: - . . . / - . . . / - . . . / - . .

- 1 Bağmaz oldı āh kim küsdi bize cānānumuz
Ey dirīğā gidiserdür haste tenden cānumuz
- 2 Öpdüğün gördüm kadeh ağzında ol mehpārenüñ
Ol sebeddendür akaar her dem bu gözden ƙanumuz
- 3 Va' de-yi vaşl ide idüñ bir zamān ey dılfırıñ
Bāda mi virdi 'aceb kim bilməzem peymānumuz
- 4 Zülfini çevgān idüpalsa ele ol şehsuvār
Cān ile serden ʈolisardur bizüm meydānumuz
- 5 Lâle gibi ƙoma elden dāyimā peymāneyi
Ey Muhibbiñ cün bilürsin ʈolisar peymānumuz

30*

Vezin: - . . . / - . . . / - . . . / - . .

- 1 'Aşık olmaķ düstlar 'ālemde müşkil kār imiş
Şimdi bildüm āh kim didüklerince var imiş
- 2 Dirler idi ol cefakāruñ cefası çok veli
Şimdi bildüm āh kim didüklerince var imiş
- 3 Eksük itmez her gice benüm içün ƙan yaşımlı
Müstədām olsun ki ol bu dide-yi ḥünbār imiş
- 4 Mihr ile bir kez nazar kıldı baña 'ālemde yār
Çoç şuk(ü)r kim tāli' üm 'ālemde bahtum var imiş
- 5 Görmemek müşkil ani görmek dağı āsān degül
N'yelesün ḥāli Muhibbiñ nūn ƙati düşvār imiş

31*

Vezin: . . . / . . . / . . . / . . .

- 1 Geh akar dilde yaşam gāh ider āhum 'ayān 'āteş
Harāb eyler bu şehri bir zamān şu bir zamān āteş
- 2 Yine bir lâleruh şinemde yir yir dāğ-ı ȳam yakdı
Göñül şehrine urdu bir yañağı ergavān āteş
- 3 Halîl'c tāb-ı ruhsaruñla āteş gülşen olmuşdur
Baña 'aks-i 'izāruñla görintr gülsitān āteş
- 4 Vefâ umma gel ey dil mihr-i ruhsarından ol māhuñ
Çü virmez teşneye hāsiyyet-i āb-ı revān āteş
- 5 Benüm sūz-ı derūnumdan yanar derd ehline her dem
Muhibbiñ nār-ı miḥnetden uzatduķça zebān āteş

32*

Vezin: - . . . / - . . . / - . . . / - . .

- 1 Lâle-yi ḥamrādan ey meh gül ruhuñ al eyledüñ
Gönlümüz almağa beñzer yine bir āl eyledüñ

* PB: 3275.

* PB: 3447, MN: 2074.

* PB: 3573, MN: 2103.

* PB: 4316, MN: 2499. 6: -PB // 8: -PB.

- 2 Şîve vü nâz ile çeşmün bizi meftûn eyledi
Hâlk-ı ‘âlem içre gör kim nice hoşħâl eyledüñ
- 3 Dâne vü dâm ile her dem murğ-ı diller şayd idüp
Söze geldükçe adını zülf ile hâl eyledüñ
- 4 Şan’ atı cevrûn cihânda ad ola diyü müdâm
Ol elifkaddûnle bükdün kâmetüm dâl eyledüñ
- 5 Ey şabâ saña uyaldan çıktı başdan zülf-i dûst
Billâh ol miskini niçün böyle iidlâl eyledüñ
- 6 Dâr-ı huld olmuş maķâmuñ her zamân ey hâl-i yâr
Ol siyeh rûyuñla bilsem nice a’ mâl eyledüñ
- 7 Ger hevâ-yı ‘ışka pervâz itse tâñ mu murğ-ı dil
Himmet idüp aña mihrûñ perr ile bâl eyledüñ
- 8 Destgîr-i miskin olmak lâzım iken şanuña
Zülfüñ ucı gibi bizi daḥı pâmâl eyledüñ
- 9 ‘Işk idüp göñlini almağa Muhibbi bendeñi
Hamdüllâh gayrılardan fâriġü'l-bâl eyledüñ

33*

Vezin: - . - / - . - / - . - / - . -

- 1 Bağrumu lûn itdi hasret ‘azm-i yâr itsem gerek
Gözlerüm gevherlerin yâra nişâr itsem gerek
- 2 Gün gibi rûşen degül midür amı çok sevdüğüm
Sîrr-ı ‘ışkı şâklamayup âşikâr itsem gerek
- 3 Her kişi çün bir kemâl ile bulupdur iftihâr
Ben güzeller sevmek ile iftihâr itsem gerek
- 4 Gûlsen-i hüsünde yâruñ giceler tâ şubha dek
Bûlbûl-i şûrîde gibi āh u zâr itsem gerek
- 5 Bend olup dâm-ı belâya hecr elinden niçe gün
Furşat el virdi hemâñ ‘azm-i nigâr itsem gerek
- 6 Dir imiş kılsun fidâ yoluma cümle varını
Cân ise daḥı Muhibbi sen ne var itseñ gerek

34*

Vezin: . . - / . . - / . . - / . . -

- 1 Vaslına irmegे ger var ise ey dil hevesüñ
Terk-i cân eyle yolında pes ol ‘Îsânefesüñ
- 2 Yakısar hecr elemi kül idiser āh meni
‘Acebâ bencileyin hâli mi var hîç kesüñ
- 3 Gâmzesi eyledi bu sînemi galbîşîfat
Murğ-ı cân durmayısar bendi bozıldı ķafesüñ
- 4 Bûlbûl-i cân nice feryâd u fiğân eylemesün
Gül gibi çünki varur câyına her hâr u hasuñ
- 5 Gözleri hîre olur her ki göre ruħlaruñ
Bu Muhibbi nice medħ eyleye hâl-i Hâbes'üñ

* MN: 2482.

* MN: 2633.

35*

Vezin: - . . . / - . . . / - . . . / - . .

- 1 Her kaçan kim ol kamerruh^c arz ider bir dem cemäl
Pertevinden gökde güneş görünür hem çün hayâl
- 2 Murğ-ı diller şaydi içün dâne vü dâm olmağa
‘Arızında vaż^c olnmış zülf-i müşgîn ile hâl
- 3 Lâleħaddin gördüğince dil vücûdîn hâk ider
Gülruhunu gördüğince güneşe irer zevâl
- 4 Kûy-ı yâra vardugumca gizlenür mühmel raķîb
Nitekim şîr irdügünde nâbedîd olur şeqâl
- 5 Söz ile sanma Muhibbiⁱ sayd ideler dilberi
Hâblar aña meyl ider kim hârc ide mâl ü menâl

36*

Vezin: - . . . / - . . . / - . . . / - . .

- 1 Şîve vü nâz ile dilber ideli ‘arz-ı cemâl
Mîhr ile meh gökde buldu biri naş biri zevâl
- 2 Tîr-i müjgânını ol şeh kondurursa sîneme
Hâne-yi dilden sürülip def^c olur kamu melâl
- 3 Ger femi vaşfimi benden gûş ideler ehl-i dil
Zerre gibidür ki günde görünür hemçün hayâl
- 4 Gün yüzine teşbih itmek olur idi güneşi
Lîkin anuñ konmamış buncılayın hâddinde hâl
- 5 Bu Muhibbiⁱ dün ü gün kılur tażarru^c la niyâz
Tâ ki dilber sînesinden sîneñe ire zevâl

37*

Vezin: - . . . / - . . . / - . . . / - . .

- 1 Ey boyuñ serv ü yüzüñ gül lebleründür Selsebil
Dûstum sünbüл saçuñdan ‘anber olmuşdur hâcil
- 2 Zülfüni gördüm sehergeh gün yüzünde bilmedüm
Dûstum sünbüл midür yâhod [ki] perr-i Cebre^c’il
- 3 Fürkatünde ey boyı serv-i hîrâmânum benüm
Gözlerüm yaşı olupdur biri Ceyhûn biri Nil
- 4 Vaşluña irmez bilürem çünkü ‘uşşâkuñ velî
Va^c de-yi ferdâ ile kayğulu göfnüm şâd kıl
- 5 Ka^c be kûyunda Muhibbiⁱ kendüyi kurbân ider
Key ulu devletdür ola aña yolunda katîl

38*

Vezin: - . . . / - . . . / - . . . / - . .

- 1 Sâkiyâ mey şun ki kılsun çihre-yi zerdümi al
Mutribâ depret elün dil eylesün tâ kesb-i hâl
- 2 Çin sehergeh zülf-i dildâra meger kıldı güzer

* PB: 4605.

* PB: 4606.

* PB: 4665, MN: 2844.

* MN: 2888.

Cān dimāğını mu'atṭar eyledi bād-ı şimāl

- 3 Men' idersin kūyına varsam beni itden beter
Ey rakīb-i rūsiyeh niçün olursın böyle dāl
- 4 Gerçi kim cānā cemālüñ görmezem yıllar geçer
Līk sīnemden hayālüñ naşṣ[1] gitmekdür muḥāl
- 5 Bir gāzel didi Muḥibbi' yine bir mehrūya kim
İlteler Hocend'e kabrinde diye taħsīn Kemāl

39*

- Vezin:** - . . - / - . . - / - . . - / - . .
1 Zāhidā nuşħuñ baña itmek eṣer oldi muḥāl
Saña cennet ḥoħusysa baña dilber zülf [ū] ḥāl
- 2 Kayġi çekmez ādem olmaz dünyede illā ki ben
Çekerem 'işık bārını kim çekmeye anı ḥamāl
- 3 Pertev-i hüsnüni gördüm gitdi 'aql u şabır u dil
Görmeyeinden ol periyi baña oldi māh sāl
- 4 Ol periñün 'azm-i gülzār itdügin işideli
Bir ayaq üstine durdu cümle mecmū'-i nihāl
- 5 Vaşl-ı dilber ey Muhibbi' sa' y ile girmez ele
Eyleme gel 'ākil iseñ yār vaşlıdur muḥāl

40*

- Vezin:** - . . - / - . . - / - . . - / - . .
1 Seyr-i tenhā eyleyen gün yüzlü māhumdur benüm
Göklere peyveste olan dūd-i āhumdur benüm
- 2 Eşk-i surħum rūy-i zerdüm 'iştikuma şāhid yiter
Kanda varsam ikisi hāżir güvāhumdur benüm
- 3 Yağmağa bīdīn rakībi her gice ey mehlīkā
Atılan yir yir felekde tīr-i āhumdur benüm
- 4 Seni sevdüğüm günāh ise günāhum çok benüm
Yüzüme baķmaduğuñ bildüm günāhumdur benüm
- 5 Çok zamāndur kim Muhibbi' ayağuñ ṭoprağıdır
Yañılıp bir gün dimedüñ hāk-i rāhumdur benüm

41*

- Vezin:** - . . - / - . . - / - . . - / - . .
1 Nāz ile gitdi cün ol gün yüzlü cānānum benüm
Gidiserdür hasretiyle sīneden cānum benüm
- 2 Dūd-i āhumdan nedürür olduğu bu čerħümüñ
Almaġil āhum şakin ey māh-i tābānum benüm
- 3 Āh kim derd-i derūnum irmez ol meh gūşina
Söylenür hep kışşadur dillerde destānum benüm
- 4 Tīr-i müjgānuñ delelden sīnem ile bağrumi
Su yirine aklär oldi sīneden ḫanum benüm

* MN: 2890.

* PB: 4878, MN: 3145.

* PB: 4936, MN: 3074.

5 Heçr ile oldu Muhibbi ey şanem Mecnûşifat
Göklere çıkışa ne tañ bu āh u efgânüm benüm

42*

Vezin: - . - / - . - / - . - / - . -

1 Āh derdâ kim dükenmez āh u feryâdum benüm
Hâlüme bir rahm ider 'âlemde bulmadum benüm

2 'Işk işin Ferhâd ile Mecnûn'a kim teslim ider
Kalsalar bu devre dirler baña üstâdum benüm

3 Nitekim hüsnüñ güli dâyim terakkîdedürür
Her gün efzündur şehâ mihrüñde feryâdum benüm

4 La' l-i şîrinüne ger cân virmeyem Ferhâdvêş
Husrevâ söylemnesün 'âlemde hîç adum benüm

5 Pertev-i hüsnüñ yakar iş bu Muhibbi bendeñi
Sâye salmaz iseñ eger boyı şîşadum benüm

43*

Vezin: - . - / - . - / - . - / - . -

1 Tîr-i ǵamzeñ sînem üzre yâdigârumdur benüm
Dâg-i işkuñ yir yir anda yâdigârumdur benüm

2 Başumu tûb eylerem ben zülfüñüñ çevgânına
At şalan meydân-i hüsne şehriyârumdur benüm

3 Vâdîyi ǵamda hemâna sâyem baña hemrâhdur
Ger şorarsañ göz yaşıdan özge yârumdur benüm

4 Gönlümün tahtında kurdı haylini sultân-ı 'îşk
Hükmi nâfîzdür ķamer çün şehriyârumdur benüm

5 İtleriyle hemdem olmak işiginde ol şehün
Key ulu devletdürür hem iftihârumdur benüm

6 Bu Muhibbi gül yüzüñsüz giceler tâ şubha dek
Bûlbûli bîhâb iden bu āh u zârumdur benüm

44*

Vezin: . . - / . . - / . . - / . . -

1 Sahn-i gûlzára varup şoħbet-i bîbâk idelüm
Sâkiyâ zehr-i ǵama sun mey-i tiryâk idelüm
Virelüm ǵalbe şafâ câni ferâhnâk idelüm
Mest-i lâya'kıl olalum yaķalar çâk idelüm

2 Nice bir sînemüze taǵ urup lâle gibi
Yâ nice yaş dökelüm çin seher jâle gibi
Alalum ortaya bir mâhrûhi hâle gibi
Mest-i lâya'kıl olalum yaķalar çâk idelüm

3 Şubhdem 'azm-i gül ü lâle vü gülşen idelüm
Naǵme-yi bûlbûl ile cân u dili şen idelüm
Gerd-i ǵamdan yine meyle dili rûşen idelüm
Mest-i lâya'kıl olalum yaķalar çâk idelüm

4 Hâr-i ǵamdan nice bûlbûl gibi nâlân olalum
Demidür açısalum gül gibi ȳandân olalum

* PB: 5203.

* PB: 5221, MN: 3039. 5: -PB.

* MN: 3231.

Hâtem-i câmî tutup elde Süleymân olalum
Mest-i lâya' kıl olalum yağalar çâk idelüm

- 5 Göñül egencesidür gel berü mey nûş idelüm
Bir güzel çihre lebinden dili serhoş idelüm
Oturup hûm dibine hûm gibi hem cûş idelüm
Mest-i lâya' kıl olalum yağalar çâk idelüm
- 6 Çün geçen geçdi dilâ biz de geçmişden geçelüm
Varalum meykedeye 'ışık rumûzın açalum
Mest olup bezm-i mahabbetde tolular içelüm
Mest-i lâya' kıl olalum yağalar çâk idelüm
- 7 Şun berü nûş idelüm câm-i müsaffâ sâki
Gül gibi çünkü geçer 'ömr deguldür bâki
Toptolu eyleyelüm na' re ile âfâki
Mest-i lâya' kıl olalum yağalar çâk idelüm
- 8 Devr-i gül geldi varup sohbete bünyâd idelüm
Ol gülendâmuñ elinden nice feryâd idelüm
Câm içüp rûh-i revânimı Cem'ûn şâd idelüm
Mest-i lâya' kıl olalum yağalar çâk idelüm
- 9 Ey Muhibbi nice bir garâk olasın bahî-i gâma
Beñzedi çünkü gülistân içi bâg-i İrem'e
Kim bilür bir dañı kim irisür ola bu deme
Mest-i lâya' kıl olalum yağalar çâk idelüm

45*

- Vezin:** . . . - / . . . - / . . -
- 1 İdelüm vasluñ heves n'idelüm
Cân virelüm bu yolda bes n'idelüm
- 2 Var midur hâç vişâl 'âlemde
Bulmaduk aña destres n'idelüm
- 3 Gül yüzü şevkî ile şübhâ degin
Olalum bûlbûle hemnefes n'idelüm
- 4 Mürdeye cân virür 'îşânefesi
Bize irmez âh ol nefes n'idelüm
- 5 Ceng ider bir bölük fütâdeler[üz]
Sürer üstümüze feres n'idelüm
- 6 Zâhide hûr gerek baña nigâr
Her kişide var bu heves n'idelüm
- 7 Gâm gelürse Muhibbi'gâm yime kim
Gamsuz olmaz cihânda kes n'idelüm

46*

- Vezin:** - . . - / - . . - / - . - / - . -
- 1 Eyledi bir simten bu sînemi tîre nişân
Ol sebebden töptoludur âhum ile âsumân
- 2 Gice gündüz şem' gibi yanaram hecr odına
Âh u efgânun benüm gûş itmez ol nâmîhribân
- 3 Sâdîkam ben ger yoluñda ölü isem dönmezem

* MN: 3303. 3b: Vezin kusurlu // 6b: Vezin kusurlu.
* PB: 5390, MN: 3375.

Ger inanmazsañ baña itmek gerekdir imtihān

4 Zāhidā mahbūb u meyden men^c ile men^c olmazam
Eyler iseñ günde biñ kez sen baña ṭayy-i lisān

5 Yandi maḥv oldu Muḥibbi⁷ şem^c ile pervāneves
Andan ummañ düstlar şimden girü nām u nişān

47*

Vezin: - . . - / - . . - / - . . - / - . -

1 Göreli serv-i revānuñ aklıdur esk-i revān
Ol sebebeden bitiserdür kabrüm üzre erğavān

2 Unudıldı Vāmīk u Ferhād u Mecnūn kıssası
Olalıdan derd-i ‘ışkum ‘ālem içre dāsitān

3 Hüsn meydānında gördüm zülfünүñ çevgānını
Başımı ūb eyledüm ya^c nī ki aldum armağan

4 Verd-i terden daḥı nāzüksin dile cevr eyleme
Āhum odından toludur çün zemīn ü āsumān

5 Gülsitānında Muhibbi⁷ her gice tā şubha dek
Gözlerin yummaz ider bülbul gibi āh u fiğān

48*

Vezin: - . . - / - . . - / - . . - / - . . -

1 Bīçāre gönül hastedür ol āteş-i la^c lreng içün
Dām-i belaya bestedür ol ṭurre-yi şebreng içün

2 Kūyında olsam bir nefes yāruñ itine hemnafes
Yiter baña bu mertebe ‘ālemde nām u neng içün

3 Yād eleyüp gül yüzüni zārılık itsem derd ile
Gülşende iñler derd ile feryāduma āheng içün

4 Dirler yüzinde cābecā haṭṭı belürdi dilberüñ
Didüm ki sultān-i Ḥabes Rūm'a gelüpdür ceng içün

5 Görüp cemāl-i hüsnüñi nakķaşlar hayrān olup
Bu naşşa dirler āferin hācet deguldür reng içün

6 Her kim başa ‘ışka ḳadem evvel gerekdir terk-i ser
Baş terkini urmak gerek meydāna giren ceng içün

7 Yanar firākuñ odina cān bülbüli pervānedür
Yansa Muhibbi⁷ tañ mīdur ol la^c l-i āteşreng içün

49*

Vezin: - . . - / - . . - / - . . - / - . -

1 Lāleveş bağrumu yakḍum gül-i ḥandānuñ içün
Eyledüm yaşı revān serv-i ḥirāmānuñ içün

2 Cābecā geldi haṭuñ ister ide ḡāret-i dīn
Gel kazıt virme yüz ol serv-i ḥirāmānuñ içün

3 Olmuşam ‘ışk faķiri n’ola ey kān-i kerem
Bir nażar hüsnüñi iħsān idesin cānuñ içün

* PB: 5429, MN: 3374.

* PB: 5449, MN: 3851.

* PB: 5503, MN: 3729. 5: -PB // 6: -PB.

4 Esb-i nāza binüben zülfüni çevgān idesin
Tüb ola ḫalmaya bir ser ḫamu çevgānuñ içün

5 Pārelensün dilerem şāne gibi baḡrı anuñ
Her ki elin uzada zülf-i perişānuñ içün

6 Çeşm-i mahmūr ḥayāli gele dil ḫānesine
Māhażar eyle ciger ḫūnumi mihmānuñ içün

7 Bu Muḥibbi şanemā ḥāl-i siyāhuñdan ıraq
Dem mi var ḫinesine yaḳmaya dāğ anuñ içün

50*

Vezin: - . . . / - . . . / - . . . / - . .

1 Dūstum cevr ü cefalar eyledüñ ḥadden füzün
Kāmetüm oldu nigārā bār-i ḡamdan hemçü nūn

2 Ey ḥiremdendān ne ḫılam bu dil-i dīvāneyi
Boynuma ḫullāb-i zülfı oldu zencir-i cünūn

3 Ger zebūn-ı ‘ışk olsam düstlar olmaz ‘aceb
‘Işık elinden şir-i nerler düstlar olur zebūn

4 Kalmadı ehl-i kerem ‘anḳāşifat nāyābdur
Ey diriğā sifleperver oldu bu gerdün-ı dūn

5 Virmedi rāh-i talebden çünkü hīç bir kes nişān
‘Işkdan gayri Muḥibbi saña olmaz rehnümün

51*

Vezin: - . . . / - . . . / - . . . / - . .

1 Bār-i ḡamdan kalmadı tāḳat zebün oldum zebün
‘Aşıkuñ bahti içün dirler ezelden sernigūn

2 Gözlerüm yaṣ dökdüğince āhum artarsa ne ṭañ
Āteş üzre şu dökilse ‘ālemi tutar tütün

3 Ol eliſkaddüñ hevāsı ḥasretinden düstlar
Gāh ḫaddüm dāl olur hicrān düninde gāh nūn

4 Baş u cān terkin urur ‘aşik hemān pervānedür
Gülşen içre bülbül olmuşdur şan efsān-i cünūn

5 Dil virelden bu Muḥibbi zülfüñüñ zencirine
Dönmişem Mecnūn'a ammā günbegün artar cünūn

52*

Vezin: . . . - / . . . - / . . .

1 Āhum odından ey nigār şakın
İrmesün kūyuña şirār şakın

2 Tayanup hüsniñe cefā ḫılma
Çün degül hüsni pāyidār şakın

3 Ḥāk-i pāyuñ olam dir isem eger
Gelmesün ḫāṭira ḡubār şakın

4 Dūd-i dil çün şu‘ūd ider felege
Yirde ḫalmaz bu āh u zār şakın

* PB: 5697, MN: 3451.

* PB: 5698, MN: 3452.

* PB: 5721.

5 'İşki şakla Muhibbi sinende
Ele girmez bu yadigar şakin

53*

Vezin: - . . - / - . . - / - . -

1 Simdi bildüm seni bu hüsne ile hürizâdsın
Yâ nihâl-i tâzesin yâ hûrî yâ şimşâdsın

2 Bir nefesle mürdeler ihyâ ider şîrîn lebün
Söz deminde sen Mesîhâ'dan bugün üstâdsın

3 Tağıdup sünbüllerün çin eyleyüp ebrûlaruñ
Gamzelerle hûn-i 'âşık dökmeye cellâdsın

4 Guşsa-yı derdüm nigârâ bilmeseñ olmaz 'aceb
'Âşık olmaduñ anuñcun guşadan âzâdsın

5 Cevri çok kılsa Muhibbi tañ degül ol nâzenin
Kim güzeller cevrini çekmekde sen mu'tâdsın

54*

Vezin: - . . - / - . . - / - . -

1 Mâhrûlalar cevrini çekdükçe ey dil şâdsın
Anuñ içün kim ezelden aña sen mu'tâdsın

2 Leylîzülfine tolaşduñ ey göñül Mecnûn gibi
La' l-i şîrînine anuñ cân virür Ferhâd'sın

3 La' l-i nâbuñ dirgürürse tîr-i ǵamzeñ öldürür
Bir nefesde hem Mesîhâ'sın u hem cellâdsın

4 Nahîl-i kaddüñ Sidre vü Tûbâ'dan olmuşdur bûlend
Kimdürür ki saña diyen serv yâ şimşâdsın

5 Sâkîyi mehves elinden nûş kıl câm-i şarâb
Ey Muhibbi çün ǵam-i devrân ile nâşâdsın

55*

Vezin: - . . / - . . - / - . . - / - . -

1 Ey dûst müjeñ tîrine ńinem siper olsun
Tek gûşe-yi çeşmûnle baña bir nažar olsun

2 Her kim ki benüm hâlüme rahm itmeye ey dûst
Hâk' dan dilerem hâlini benden beter olsun

3 Meyl itmeye la' lüñ var iken bu dil-i hâste
Başdan başa 'âlem tûlu şehd ü şeker olsun

4 Her kim ki diler merd ola merdâneler içre
Dünyâya göñül virmesün 'âlemde er olsun

5 Çevgân-i ser-i zülfine başuñi Muhibbi
Tûb eyle ki 'uşşâk ara bir hüner olsun

56*

Vezin: - . . - / - . . - / - . . - / - . -

1 Nâmeler gelse kaçan İstanbul-ı âbâddan

* PB: 5734, MN: 3630.

* PB: 5735, MN: 3631.

* PB: 5781.

* MN: 3551.

Büy-i zülfüñi sehergeh aloram Bağdâd'dan

- 2 Mışr-i hüsnün hakkı senden ayrı ey Yûsufcemâl
Eşk-i çeşmüm Nil'den eksük degül hem Şâd'dan
- 3 Gül yüzünden dûr olalı çü gönül bülbulleyin
Giceler tâ şübhâ dek hâlî degül feryâddan
- 4 La' l-i şîrinüne cânâ ben nice cân virmeyem
Bu târîk-i 'ışkeda eksük miyem Ferhâd'dan
- 5 Tek beni sürme kapuñdan öldürürseñ râzîyam
Ölmek evlâdur kişiye bir yaramaz addan
- 6 Didiler çünkü şu üzredür cihân bünyâdını
Ne umarsın ey gönül bîkâr u bîbünyâddan
- 7 Bu Muhibbi'yi 'aceb añmaz mı ki ol sengdil
Bir nefes bir dem anuñ gitmez hayâli yâddan

57*

Vezin: . . . / . . . / . . . / . . -

- 1 Pend gûş itme dilâ alma ele 'âr etegin
Ko ne dirlerse disünler tutagör yâr etegin
- 2 Baña her demde gelür derd ü belâ miñnet ü ñam
Müşkil işdür kişi kim tutu sitemkâr etegin
- 3 Cân virüp bûseye ey dûst nedür çâre didüm
Gül gibi güldi didi tut yûri nâçâr etegin
- 4 Müdde'î dâmeni dildâra irisse ne 'aceb
Kanda kim açila gül komaz anuñ hâr etegin
- 5 Yüz süri pîr-i mugân hizmetine dutma şâkin
Hânkâh içre varup zâhid-i mekkâr etegin
- 6 Hâbda yârı görüp furşat ile bûsesin al
Uyanup hışma gelürse komâ inkâr etegin
- 7 Ey Muhibbi benîâdemde vefâ kalmadı hîç
Sen de Mecnûnsifat tut yûri taqlar etegin

58*

Vezin: . . . / . . . / . . . / . . -

- 1 İderüz şohbet-i mey bîser ü sâmânlar ile
Giceler hemnefestûz şübhâ dek efgânlar ile
- 2 'âr u nâmusa şoyup komâ selâmet yakasın
Yûri Mecnûn gibi sen çâk-i girîbânlar ile
- 3 Şâkin aldanma ser-i zülf-i siyâhina gönül
Çıkmadı kimse başa zülf-i perişânlar ile
- 4 Serv tek seyr-i çemen içre şalınsun yine yâr
Gevher-i eşki dökem yolma dâmânlar ile
- 5 Bezm-i mey içre Muhibbi giceler şübhâ degin
Şem' veş âtes-i 'ışk ile yanar cânlar ile

* MN: 3741.

* PB: 6054, MN: 4413.

59*

Vezin: - . . / - . . / - . . / - .

- 1 När-i ġamda nazar iden kişi tāb-i tenüme
Didi fānūs-i belā perdesi pīrāhenüme
- 2 Bülbül-i cān iremez gülşen-i şādiye velī
Kanda kim hār-i ġam olsa ilişür dāmenüme
- 3 Haşre dek rakş uram ey dilber alup başum ele
Tīg-i cānbahşuñ eger ire benüm gerdenüme
- 4 Ser-i kūyında ķılam ķaddümi yā āhumu tī
Tā ki her zāg rakīb uḡramaya gülşenüme
- 5 Ey Muhibbi dime ağıyāra seg-i yār şakın
Ne iñün beñzedesin düstumi düşmenüme

60*

Vezin: - . . / - . . / - . . / - .

- 1 'Aklumu aldı nazar ķıldum gözine kaşına
Cān u dilden şad hezārān āferīn naķķaşına
- 2 Gün gibi 'aklärum yüzin ķılsa münevver tāñ midur
Ol ķamerrū bedr olup girdi cün on dört yaşına
- 3 Şöyle hayrān oldu dil gördü hayāl-i dilberi
Tā kiyāmet gelmeyiser 'aklı ayrıuk başına
- 4 Kabrüm üzre her çemen söyler cefasın ol mehūñ
Kim gelüp bir dem nazar ķılsa mezārum taşına
- 5 Hāk-i pāy-i dilberi pāk eyleyüp her dem şular
Āferīn şad āferīn bu didemüñ ferrāşına
- 6 Sırımı fāş itdi 'ışkuñ bilmeyüp Ferhād'i gör
Anuñ iñün tişesi dokindi āhir başına
- 7 Rūz-i mahşerde diyem Mecnūn'a derd ümuşsamı
Her kişi derd-i dilin dir ķandasına yoldaşına
- 8 Gevher olursa Muhibbi yār ķılmaz cün nazar
Hiç rahm itmek olur mı hiç gözüm yaşına

61*

Vezin: - . . / - . . / - . . / - .

- 1 Gün yüzüñ virdi şeref geldi bu ben hāk üstine
Pā ķosam şimden girü tāñ midur eflāk üstine
- 2 'Işk ara her birisi serv ile gülđen tāzedür
Dāğlar ile var elifler sīne-yi çāk üstine
- 3 Baňa geydüren belā vü derd ü miħnetden libās
Nāzdan dikdi ķabāsin serv-i çālāk üstine
- 4 Hat yaraşmaz 'ārižuñda gel anı eyle terās
Hāc revā mī gerd ķona āyīne-yi pāk üstine
- 5 Sürmeden yigđur Muhibbi'ye ġubār-i dergehi
Ey şabā luṭf it getür bu çeşm-i nemnāk üstine

* PB: 6219, MN: 4466, CN: 362a.

* PB: 6230, MN: 4155. 4: -PB // 5: -PB // 7: -PB.

* PB: 6286.

62*

Vezin: - . . . / - . . . / - . . . / - . .

- 1 Gözleri hançerler almış gamzelerden yanına
Gel beni öldür hemānā girme kimse kanına
- 2 Cān lebe geldi lebüñden şunmaduñ bir kātre şu
Şoñ deminde düstum kaşd eyleduñ īmānına
- 3 Derd-i ḫışkuñ lezzetin bilen bilür dermānını
Raḥmet olsun derd-i ḫışk ile ölenler cānına
- 4 Şorma ḥālin ḫāşik-ı dilhastenüñ ey māhrū
Senden artuk kim ne bilsün derdi ne dermānı ne
- 5 Olalıdan hüsün meydānında ol meh şehsüvār
Başımı ṭüb eyledüm ben zülfünün çevgānına
- 6 Bahır-i ḫışka ey Muhibbi niçeler garğ oldilar
Görmedüm bir kimse dir irdüm anuñ peymānına

63*

Vezin: - . . . / - . . . / - . . . / - . .

- 1 Seyr iderken bir güzel gördüm bugün bāzārda
Ruḥları mānendi bir gül bitmedi gülzārda
- 2 Ruḥları üstinde ol ḥāl-i siyeh miskinleri
‘Anberinden dānelerdür āfitāb envārda
- 3 Kaşları tuğrasına ey şūf-i kīrār eylegil
Niçeye dek kalasın bu ḡaflet ü inkārda
- 4 Öldürem yarın dimişi ol hilālebrū bañā
N’eyleyem derdā dirīgā turmaz ol ikrārda
- 5 Bu Muhibbi hastedil ger kan yudarsa tañ midur
Zīra kimse görmedi resm-i vefā dildārda

64*

Vezin: . . . / . . . / . . . / . . .

- 1 Göz ucından gönlү düşdi meded bir nāmüselmāna
Hadeng-i tīr-i müjgāni iriṣdi śinede cāna
- 2 Hevā-yı Ka‘ be-yı yāra yüzüm üzre revā oldum
Beni kim kurtarur yā Rab ki ṭolaşdum muğaylāna
- 3 Hadiş-i ḫışk-ı dilberden haber virmek diler gönlüm
Velī ḫorķaram andan kim cihān başdan başa yana
- 4 Seni sevdüm ise ey meh ne suç itdüm ki öldürdüñ
Revā mi pādişāh olan girer nāḥaḳ yire ḫana
- 5 Muhibbi bāg-ı hüsüninde temāşā eyle ol servüñ
Ne ra‘nā güller açılmış deger her biri biñ cāna

65*

Vezin: - . . . / - . . . / - . . . / - . .

- 1 N’eyler idüm cāni ben ‘ālemde cānān olmasa

* PB: 6326, MN: 4185. 5: -PB.

* PB: 6373, MN: 4040.

* PB: 6470, MN: 4510.

* PB: 6479.

Bülbül efgân eylemezdi ger gülistân olmasa

- 2 Murâg-i dil feryâd iderdi turmaz idi bir nefes
Ol lebi mül ruhları gül zülfî reyhân olmasa
- 3 Zeçr-i hecre ögrenüpdür bu göñül şol hadde kim
Dir ki derd olsa bu 'âlem içre dermân olmasa
- 4 El uzadurdu mu' anber zülfine dîvâneler
Ejdehâves ol hâm-i zülfî perişân olmasa
- 5 Bûsesine ey Muhibbi cân virürsin dilberüñ
Müşkil ol vaqtin öldürdi cân-i âsân olmasa

66*

Vezin: - . . / - . . / - . . / - .

- 1 Perde kılduñ şem'-i ruhsâruña zülfüñ kıldum âh
Câme-yi fânusı hâç câyiz midür itmek siyâh
- 2 Saña beñzer bir periþeyker melekru görmedüm
Gerçi kim 'âlemde bîhadd eylemişem geþt-i râh
- 3 Yaþdı hasret âteþi şol hadde bu cân u dilüm
Kalmadı tende mecâlüm eyleyem bir kerre âh
- 4 Heçr ile yaþduñ beni kül eyledüñ sertâkadem
Bilmezem kim sevdigüm midür seni ey şeh günâh
- 5 Gûl yüzüñsüz şorar iseñ bu Muhibbi hâlini
Gice bülbül gibi efgân eylemekdür gündüz âh

67*

Vezin: - . . / - . . / - . . / - .

- 1 Zâhir oldı ruhlarında didiler hâtt-i siyâh
Gûş idüp anı göñülden kopdu bir göynüktü âh
- 2 'Âşık-i şurîdediller meyl iderse tañ midur
Hûbrûlarda komışdur câzibe çün kim İlâh
- 3 Pâdişâh olmışdı 'ışka didiler Mecnûn çün
Dûstlar şimdî ben oldum mûlk-i 'ışka pâdişâh
- 4 Şâh-i 'ışkam dûd-i âhum âtesidür hil' atüm
Eşk-i çeşmüm leşkerüm elde 'alemdür âh vâh
- 5 Biðünch 'âşıkları kırdı geçürdi ol perî
Tifldur bilür dağı yazılmaz aña çün günâh
- 6 İrmege zülfüñ şebinde bu Muhibbi kuyuna
Dûd-i âhi başına semmûrdan bir şebkülâh

68*

Vezin: - . . / - . . / - . . / - .

- 1 Hâlüme baþsañ n'ola ey hüsün iline pâdişâh
Cân u dilden kim seni çok sevse yanuñda günâh
- 2 Piþe itme zulmi lillâh kendüne ey servkadd
Nûh felek ditrer kaçan kim bir garîb eyleye âh

* PB: 6541, MN: 3975.

* PB: 6542, MN: 3976. 4: -PB.

* PB: 6543, MN: 3977.

3 Hıç kes bilmez belə vü derdini bu gönlümüñ
Eşk-i çeşmüm rûy-ı zerdümür aña ancak güvâh

4 Gice vü gündüz tolaşur kûyını ol dilberüñ
Şöyle beñzer rûyına âşüfte oldı mihr ü mâh

5 Cân fidâ itmez Muhibbi dir imîş ol bîvefa
Cân u baş çokdan yolindadur bu söze Haç güvâh

69*

Vezin: - . . . / - . . . / - . . . / - . .

1 Ruhlaruñ 'aksi şehâ bu çeşm-i pürhûnâbda
Berg-i güldür gûiyâ düşmiş şarâb-ı nâbda

2 Kadd ü reftâruñ şu içre görüp serv-i sehi
Bir dañı görem diyü turur kenâr-ı âbda

3 Toğru şandum kaşlaruña karşı ben kıldum namâz
Egrilik olsa 'aceb mi kafiri mihrâbda

4 Sînemi çâk itse tañ mı ol hilâlebrû benüm
Anca sîne çâk olur cün tiğ-ı âteştâbda

5 Halkı uyutmazsa efgâni Muhibbi'nûn ne tañ
Korkar andan ol mehi bir kimse göre hâbda

70*

Vezin: - . . . / - . . . / - . . . / - . .

1 Lutf ile dilber didi gördüñ mi beni hâbda
Didüm ey ârâm-ı cânüm 'âşık oldum hâbda

2 Gözlerüm yaşına garâk oldum bu rûy-ı zerd ile
Gûiyâ nilüferem kâldum miyân-ı âbda

3 Remz-i 'ışkı şorma Mecnûn'a kim ol dîvânedür
Baña sor 'ışkuñ kitâbin okuram her bâbda

4 Sâgar-ı çeşmümde ruhsâruñ hayâli ey şanem
Tâze gül yaprağıdır şan kim şarâb-ı nâbda

5 Kaddini tûlâb idüp eşkin Muhibbi cûy ider
Çeşmi anuñ gözelerdir yir yir ol tûlâbda

71*

Vezin: - . . . / - . . . / - . . . / - . .

1 Başa kim çikalıbilür ol turre-yi tarrâr ile
Kim ola kim söyleše la'l-i şekergüftâr ile

2 Elde tutup zülfini kim boynı üzre tağıdırur
Sâhir olmasa kaçan oynardı böyle mâr ile

3 Muşhaf-ı hüsn üzre gördüm zülfini dilber komış
Olmasa kâfir anı bağlar müdî zünnâr ile

4 Vâd-îyi hicrân şebinde bir kara gündür geçer
Olisardur hastedil ammâ bu âh u zâr ile

5 Ey Muhibbi çünki bilürsin ki fânidür cihân
Gülşen içre bâde nûş it bir müşâhib yâr ile

* PB: 6584, MN: 4033.

* PB: 6585, MN: 4034.

* PB: 6592, MN: 4071.

72*

Vezin: - . - / - . - / - . - / - . -

- 1 Kim ki göñlin hoş tutu 'âlemde istignâ ile
Meskenin Kâf-i kanâ' at eyler ol 'anķâ ile
- 2 Çünkü bu dünyâ denidür aña dil virme şakın
Kimse başa çıkmadı çıkmayısar dünyâ ile
- 3 Ey göñül Mecnûn gibi kûy-i hârâbat ehli ol
Tâ kıyâmet añila aduñ senüñ şeydâ ile
- 4 Gel şarâb-ı 'ışkı nûş it zâhid-i peşminepûş
Niçeye dek ƙalasın bu hây u hû ǵavgâ ile
- 5 Zerre gibi gün yüzü şevkine sergerdân olup
Giceler tâ şübhâ dek efgân iderem nây ile
- 6 Ey Muhibbi yüri 'âlemde tecerrûd ehli ol
Tâ ki hemser olasın göklerde sen 'İsâ ile

73*

Vezin: - . - / - . - / - . - / - . -

- 1 Yine baş koşdu göñül sen dilber-i ra' nâ ile
Bunu umar vaşl ola ol kâmet-i bâlâ ile
- 2 Bu felek dönsün murâduñca senüñ ey bîvefâ
Hasretünden ger geçerse günlerüm eyvâ ile
- 3 Göñlüm almak istedüm komadı serkeş kâkülü
N'cleyem derdâ dirîğâ ol ruh-i zîbâ ile
- 4 Hâk bilür kim cân u dil yoluna eylerdüm fidâ
Hemdem olsam bir nefes ol lebleri hamrâ ile
- 5 Ey Muhibbi saña ƙandan mübtelâ olmaç aña
Zerre hemser ola mî mihr-i cihânârâ ile

74*

Vezin: - . - / - . - / - . - / - . -

- 1 Düşdi göñlüm bir perînün zülf-i 'anberbârina
Tevbe ƙıldı şimdiden girü şalâhuñ kârina
- 2 Gül yüzinde küfr-i zülfîn görse zâhid 'ışk olup
Bağlanurdı cân u dilden zülfînün zünnârına
- 3 Öldürem dirdüñ baña öldürdüñ ey kâfir beni
Pâdisâh-i hüsün olan turmaç gerek ikrârina
- 4 Dil dilerdi cân virüp bugün lebüñ bâzâr ide
Kaldı işüm vâ dirîğâ yâr ile çün yarına
- 5 Ey Muhibbi olmaduñ sevdâ-yı zülfinden һalâş
Düşmesün kâfir dahı anuñ şaci zünnârına

75*

Vezin: - . - / - . - / - . - / - . -

- 1 Siyeh zülfine dildâruñ giriftâr olmasun kimse

* PB: 6610, MN: 4087. 4: -PB.

* PB: 6611, MN: 4088.

* PB: 6631.

* PB: 6775.

Belâ dâmunuñ içine düşüp zâr olmasun kimse

- 2 İşden āh u efgânûm benümle yanar ol oda
Benüm sūz-ı derûnumdan hâberdâr olmasun kimse
- 3 Dilërem âteş-i ‘ışkuñ beni şol hadde yaksun kim
Görenler diyeler Allâh saña yâr olmasun kimse
- 4 Leb-i la‘ li hevâsından kamu mest oldu bîdiller
Bugün çün mevsim-i güldür ko huşyâr olmasun kimse
- 5 Gidüpür ‘akl u dil elden dilögüm budurur Hâk’dan
Muhibbi gibi ol yarı sevüp zâr olmasun kimse

76*

Vezin: .---/.---/.--

- 1 İdërem giceler tâ şübhâ dek āh
Degülsin n’eyleyem hâlümden âgâh
- 2 İrişdi āh u efgânûm semâya
Nedendür saña irmez ey yüzî mâh
- 3 Felekden görünür Mecnûn’a a‘ lä
Kaçan şâhrâda Leylâ kursa hârgâh
- 4 Baña meyden didi kıl tevbe zâhid
Ne tevbe zâhidâ *cstagfirullâh*
- 5 ‘Adem mülkine gitdükde Muhibbi
Gamuñdan özge yokdur aña hemrâh

77*

Vezin: ---/.---/.---/.---

- 1 Her dem irişür dûd-ı dilüm evc-i semâya
Derdâ ki eşer eylemez ol mâhlîkâya
- 2 Büy ile tolup ‘âlem ola cümle mu‘âtтар
Dildâr kaçan nâz ile zülfini taraya
- 3 Kaşdı bu ki kapuñdan ira beni hasûduñ
Gûş itme sözün uymağıl ol yüzî karaya
- 4 Gam yükini yükletmege ‘uşşâka demâdem
‘Işk hüsrevi beñzer ki dutar cümle kirâya
- 5 Ko gamzeleri tîgi bu bagrün deleğursun
Çün sîne nişân eyledük ol kâşları yaya
- 6 Ney gibi ‘aceb midür anuñ bağıri delinse
Lâyiķdur aña yine uyar idi hevâya
- 7 Pehlûya çeküp koçmak olur idi nigâri
Girmëse Muhibbi ara pîrâhen araya

78*

Vezin: ---/.---/.---/.---

- 1 Tolaşdı gönü'l āh çün ol zülf-i dütâya
Gûş eylemedi pendi özin atdi belâya

* PB: 6789.

* PB: 6829, MN: 4640.

* PB: 6831, MN: 4642.

- 2 Ögrendi göñül cevr ü cefasına nigāruň
Şimden girü meyl eylemezem mihr ü vefâya
- 3 Görmek dilesem māni' olur yārı hasūd āh
Şan hāyil olur ebr gibi bedr iken aya
- 4 Eflâke çıkar bir gice āhum benüm ey dūst
Bu kanlu yaşum daħħi irer taħt-1 serāya
- 5 Bünyād-1 cefā eyledi çün yār Muhibbi
Kurbān idegor cānuňi gel sen o bināya

79*

- Vezin:** - . / - . - / - . - / - . -
- 1 Ey dil geçir bu 'ömrüni her dem şafā ile
Mehtāba karşılık 'iş idegor çeng ü nāy ile
- 2 Her kim hevā-yı zülfine ṭolaşdı dilberüň
Irmez eli ki terk ide ser bu hevā ile
- 3 Çeşmüm akitdi kanlu yaşın itdi rāz fāş
Rüsvā-yı 'ālem oldu o bu mācerā ile
- 4 Hiç ola mı gün gibi ol şāh-i lānažir
Pertev şalup ola bu ben bīnevā ile
- 5 Dirler baña ki şabr iden irür vişāle āh
Kalmadı şabr geçdi günüm āh u vā ile
- 6 Sen bir nażarla mürde dile cān bağışladuň
'İsā egerçi diri kılurdu du'ā ile
- 7 Salar Muhibbi hasteyi ferdāya çün ḥabib
Hāli n'ola ki n'eyleye ol bīnevā ile

80*

- Vezin:** - . / - . - / - . - / - . -
- 1 Hün-1 cigerle düşdi yine āh u vā ile
Deryā temevvük eylemez illā hevā ile
- 2 Nāyuň hevāsı gönlümi itdi hevāy/āh
Olur hevāy/oturan ehl-i hevā ile
- 3 Gitmez tavāf-1 Ka'be'ye Merve hakkı gönül
Eyler tavāf kūyımı her dem Şafā ile
- 4 Her dem seni bir ok gibi ata yabana āh
Başa çıkışım dime şakin ol kaşı yā ile
- 5 Añsa Muhibbi gün yüzünü zār eylese
Gūş-1 zamāne töptoli olur şadā ile

81*

- Vezin:** - . - / - . - - / - . -
- 1 Āh u vāh ile günüm çünkü geçer done done
Tañ mı hecır ile kebab oldu ciger done done
- 2 Nice kan yutmaya dil göz göre karşunda benüm
Kadēh ağızında öpe koca kemer done done

* PB: 6886, MN: 4704. 3: -PB, 4: -PB. 4b: Vezin kusurlu.

* PB: 6887, MN: 4705.

* PB: 6904, MN: 4494. 5: -PB.

- 3 Yağalı āteş-i ‘ışkına bugün cān u dili
Çıkar eflake şirārumdan eşer done done
- 4 Görmedi görmeyiser ruħları mānendini hiç
‘Ālemi gerçi gezer şems ü kamer done done
- 5 Dolaşup kāküliline dil diler irmek lebine
Resen-i zülf ile dil ya‘n/çikar done done
- 6 Tutuşup āteş-i ‘ışkı ile pervāneşifat
Bu Muhibbi düşüp odlara yanar done done

82*

Vezin: - . . . / - . . . / - . . . / - . .

- 1 Bir ġazel didüm yine şol māh-i tābān üstine
Aydur ise ehl-i şevk götür ser-i cān üstine
- 2 Gözleri hançer çeker hem dembedem bağrum deler
Hāq revā mi var midur kim kan ider kan üstine
- 3 Ol perīruhsarı görsem bīd gibi ditrerem
Şanasın bir hastedür kim ditreye cān üstine
- 4 Ben senüñ yoluña cānā cānumu virsem n’ola
Kim bilürsin cān virürler dīn ü īmān üstine
- 5 Bu Muhibbi’ye didüm kim būsuñi ihsān kıl
Gonçe gibi güldi dilber didi kim cān üstine

83*

Vezin: - . . . / - . . . / - . . . / - . .

- 1 Şol mu‘anber zülf düşmiş hadd-i cānān üstine
Deste-yi sünbüldür ol şan verd-i hāndān üstine
- 2 Dil perişānhāl idi dahı perişān eyledi
Çün girihler şaldı ol zülf-i perişān üstine
- 3 Dağlarla kim göre deşt-i belāda cismümi
Zāğlar konmış sanur Mecnūn-i ‘uryān üstine
- 4 Sanmañuz derd ü belādan dūstlar yüz döndürem
‘Āşık oldur derdi tercīh ide dermān üstine
- 5 Zülfini ḫaldurdu gördüm hadd ü ruħsārin didüm
Gül açılmış ne ‘aceb serv-i ḥirāmān üstine
- 6 Sebz ḫattuñi görüp didi Muhibbi hastedil
Sāye şalmış ḥiżr’dur şan āb-i ḥayvān üstine
- 7 Gözlerüm ḫannina gel dök ey şabā ḫāk-i derin
Resmdür toprak dökerler görseler ḫan üstine

84*

Vezin: . . . / . . . / . . . / . .

- 1 Gönlümz mey mi içer ol leb-i sükker yirine
Lebleri aňılıcaķ şu gibi sükker yirine
- 2 Ger elüm irmeye ol tāze gülüñ dāmenine

* PB: 6936.

* PB: 6937, MN: 4249. 5: -PB, 7: -PB.

* PB: 7020.

Hâri bağruma başam ol gül-i ahmer yirine

- 3 Kaddüne beñzedemem servi ben ey tâze nihâl
Dahî ider her kişi servüñ nice her bir yirine
- 4 Kiya bakışlar ile bağrumu hûn itdi gözüñ
Müjesi sînemi çâk cyledi hançer yirine
- 5 Başuña tâc-i zer alma yûri dîvâne gönüñ
Hâk-i pâyı var iken başuñi efser yirine
- 6 Ka' be kûymî Muhibbi tölaşur şâm u seher
Döşenür hâk-i deri her gice pister yirine

85*

- Vezin:** .---/ .---/ .---/ .---
- 1 Şabâ kûy-i dilârâdan geçer âheste âheste
Anuñçün guşşa-yı dilden içer âheste âheste
- 2 Salınsa servtek dilber bugün gülşende nâz ile
Ciger kanın gözümden dil şâcar âheste âheste
- 3 Semend-i nâz ile cânâ iñen incitme 'uşşâkı
Şâkin aldanmaçıl hüsne geçer âheste âheste
- 4 Sehergeh vâdîyi gamda ceres gibi figân eyle
Şanasın kârbân-i dil göcer âheste âheste
- 5 Ribât-i köhnedür dünyâ Muhibbi aña dil virmez
Bilür kim aña kim konsa göcer âheste âheste

86*

- Vezin:** ---/ .---/ .---/ .-
- 1 El götürüp du'â direm ol servkâmete
Kimdir ki irmek istemez ola kıyâmete
- 2 'Işkı yolında olur ise şâd olur gönüñ
Bir hâste gibi iriçe âhir selâmete
- 3 Mest-i harâb iken ne 'acebdür ki gözleri
Mîhrâb idüp kaşın geçer evvel kıyâmete
- 4 Ey dil mecâzi işka gönüñ virmeden şâkin
Îrisdürür kişi ezel âhir nedâmete
- 5 Mecnûn gibi ki Leylâ saçına virüp gönüñ
Düşdi diyâr-i gamda Muhibbi melâmete

87*

- Vezin:** .---/ .---/ .---/ .-
- 1 Her tarafından zülf kim düşmiş o hadd-i mehveş
Bir bölüm Hindû gibi şan kim taparlar güneşe
- 2 N'ola hâl-i sırr-i zülfî aña hâlüm dir iken
Bir tarafından dahlî yâ Rab n'itdüm ol göz ü kaşa
- 3 Dâğlarla kim görürse bu ten-i 'uryânumi
Beñzedür şâhrâ yüzinde zâğlar üşmiş leşe

* PB: 7029.

* PB: 7034.

* PB: 7067.

4 Haddi üstinde gören hâl-i siyâhını şanur
Taht-ı ‘ac üstine çıkışın yine şâh-i Hâbes’e

5 Leylîyi zülfine tolaşdı görüp âhû gözin
Düşdi Mecnûn gibi bîçâre gönül tâğ u taşa

6 Âteş-i ‘ışka Muhibbi nice döysün cân u dil
Yakar ağu irse zerrece eger kuri yaşa

88*

Vezin: -.- / -.- / -.- / -.-

1 ‘Işk câmîn içelüm bîser ü sâmânlar ile
Giceden şübhâ degin ‘îş idelüm anlar ile

2 Başa tâc eyleyelüm sâgar-ı meyden sâkî
Başka sanâc çekelüm âh idüp efğânlar ile

3 Lâleler gibi yine sîneyi pürdâg idelüm
Gonçevêş çâk idelüm sîne girîbânlar ile

4 İdelüm la‘l-i lebi yâdına mey nûş müdâm
Bu gönül derdine dermân idelüm anlar ile

5 Görmedük çünkü Muhibbi benîâdemde vefâ
Taqlara düş yûri şimden girü hayvânlar ile

89*

Vezin: -.- / -.- / -.- / -.-

1 Eyyâm-ı bahâr olsa yine güller açılsa
Gül sevkîne gülşende kırlı müller açılsa

2 Şîrin lebüñün yâdına bir ‘ışk eri olsa
Cân terkin urup kûh-ı belâ içre seçilse

3 El ursa şabâ gibi giderse ser-i zülfîn
Def’ itse sehbâbı yüzü hûşîdüñ açılsa

4 Ol şâh-ı zamân gelse yine serv-i schîveş
Yir yir güher-i eşküm ayağına saçılısa

5 El virdidi saña Muhibbi Ka‘ be-yi vuşlat
Derbend-i belâ vâdîyi hicrân geçilse

90*

Vezin: -.- / -.- / -.- / -.-

1 Dûstlar mihmân idindüm dün gice cânâneyi
Nûr ile cem’ eyledüm bir araya pervâneyi

2 Hâk-i pâyına gözümden eyledüm gevher nişâr
Biâ belâ ile getürdüm ol gözü mestâneyi

3 Gerçi kim geldi hemândem yine gitdi ol peri
Eşküm ile eyledüm pür eldeki peymâneyi

4 Gül yüzinün hasretinden ol vefâsuz dilberüñ
Oda yakdum âteş-i âhumla bende hâneyi

5 Leblerinün hasretinden ol vefâsuz dilberüñ
Bu Muhibbi mesken itse tañ midur meyhâneyi

* MN: 4415.

* MN: 4633.

* PB: 7115, 7846.

91*

Vezin: - . . - / - . . - / - . . - / - . . -

- 1 Geçdi kûyuñda benüm ‘ömürüm şehâ cün gül gibi
Eyledüñ nâr-i cefâñ ile derûnum kül gibi
- 2 Pîridür ger kan yudarsa la‘ lveş ‘âşıklaruñ
Tek cihân içinde ol sen şâd u hândân gül gibi
- 3 Bezm-i gülşende ruhuñ şevkine dâyim cân u dil
Hâlî olmaz bir nefes efgân ider bülbül gibi
- 4 Dûstum bir dem ķadem başsañ yüzüm üzre benüm
Hâr elinden dâmenüñi n’ola alsâñ gül gibi
- 5 Ey Muhibbi rind olmak ister iseñ haşre dek
Leblerinde bûs eyle dîlrübânuñ gül gibi

92*

Vezin: - . . - / - . . - / - . . - / - . . -

- 1 Îtmedi yâr bu ben miskîne hîç yârlığı
Gerçi hârc eyledi dil yolna her varlığı
- 2 Destüm irmedî miyânına kemer anı ķocar
Yâ İlâhi virme hîç kimseye nâçârlığı
- 3 Niçün işitmeyesin âh u fîgânumu benüm
Yôhsa hoşça mı gelür ‘îşkuñ ile zârlığı
- 4 Dir idüm ben ki ķapuñdan meger ölüm ayıra
Baña bu çerh-i felek eyledi gaddârlığı
- 5 Bu Muhibbiyi görüp itme firâr ey yüzü gül
Ne içün unudasın eski vefâdârlığı

93*

Vezin: - . . - / - . . - / - . . - / - . . -

- 1 Eyledüñ sen hecr elinden zâr u sergerdân beni
Dâhî hem tennûr-i ǵamda eyledüñ bîryân beni
- 2 ‘Îşk bâzârında cân virüp alayın derd ü ǵam
Derdüme dermân yiter hîç bilmesün dermân beni
- 3 Nice yıldur kim bu dil bağlayup ihrâm-ı ǵamı
Şimdi irdi Ka‘be-yi kûyuña ķıl ķurbân beni
- 4 Hecr elinden dûstum ben şol kadar kan ağladum
Götürüp elden ele gör gezdürüür devrân beni
- 5 Zülfini çevgân idüp meydân-ı hüsn içre nigâr
Tûb idüp başın Muhibbi diye kim çevgân beni

94*

Vezin: - . . - / - . . - / - . . - / - . . -

- 1 Zülfine bend eyledi âh ol büt-i tersâ beni
Kûh-ı ǵamda eyledi Ferhâdves şeydâ beni
- 2 ‘Îşkini cânûm gibi ńinemde şâklardum velî

* PB: 7268, MN: 5088.

* PB: 7303. 2b: Vezin kusurlu.

* PB: 7328.

* PB: 7881, MN: 5006. 5: -PB.

Eşk-i çeşmüm rûy-ı zerdüm eyledi rüsvâ beni

3 Rûze-yi hecr içre ķaldum ben ža'if ü hastedil
İrməz isem 'id-i vaşluña nigârâ vâ beni

4 Ben ħelâl itdüm ħarâmi çeşmûne kanum velî
Kana girüp kimseyi öldürmegil illâ beni

5 Vâd-zi ġamda baña sâyemdürür hemrâh olan
Gün yüzünsüz olıcağ ol daħlu kör tenħâ beni

6 Garék idiserdür Muħibbi 'ákibet dil fulkini
Ahum ile gözlerümden dökilen deryâ beni

95*

Vezin: - . - / - . - / - . - / - . -

1 Görse biñ kez günde bilmez ol gözü şehlâ beni
Nice bilsün kim 'aceb eşkâl ider sevdâ beni

2 Dûd-ı āhumdan olur her dem felek saķfi siyâh
Garék ider iken gözüm yaşı olup deryâ beni

3 Şabr u 'aklum gitdi elden cān u dil gitmek diler
Vâd-zi miħnet içinde kojuban tenħâ beni

4 Gice gündüz zecr ü miħnet çekdürüp ol bîvefâ
Öldürür nâz ile āħir ol ɬad-i bâlâ beni

5 Şaklamač ol pürcefânuň 'ışķunu mümkün degül
Ey Muħibbi idiserdür 'ákibet rüsvâ beni

96*

Vezin: - . - / - . - / - . - / - . -

1 Taħt-ı cemende yâr çözüp zulfî bağını
Dehrûn mu' atṭar eyledi ol dem dimâğını

2 Şem'-i cemâl-i hüsnuňi her kim göre şehâ
Olmaz 'aceb eride eger bağıri yağını

3 Çâħ-ı zenaħda habs-i mü'ebbed idüp nigâr
Câsûs diyü şakladı gönlüm ulaġını

4 Zulfî şebinde dil düseli vâd-zi ġama
Yaķdum zamânede yine Mecnûn cerâgını

5 Bir dem Muħibbi olmadı hüşyâr haşre dek
Rûz-ı ezelde içeli 'ışķuň ayağını

97*

Vezin: - . - / - . - / - . - / - . -

1 Servde reftâr yok serv-i ħirâmânum gibi
Goncедe güftâr yok ol verd-i ħandânum gibi

2 Nice yıldur kim döner devvârdur uşbu felek
Görmedüm bir ġubrû sen mâh-i tâbânum gibi

3 Seçde eyler pâyuña her dem şurâħî ey şanem
Eşk-i çeşmini döker bu çeşm-i giryânum gibi

* PB: 7882.

* PB: 7411.

* PB: 7448.

4 Ya kaşuñdan sehv ile itseñ baña ḡam oklärin
Şakläram ben ṣinem içre ami cānānum gibi

5 Ey Muhibbi şevk şahrasında karşu her seher
Gül kabasın çak ider çäk-i giribānum gibi

98*

Vezin: - . - / - . - / - . - / - . -

1 Āh kim bir dilberi sevdüm yine cānum gibi
Nice cānum belki bu ṣinemde īmānum gibi

2 Derdümün dermānidur derdüme dermān eylemez
İsterem derdini ben derdüme dermānum gibi

3 El uraldan sünbül-i müşğin-i dildära şabā
Key perişanhâlem ol zülf-i perişānum gibi

4 Gül yüzüsüz zârlığım diñmemişdür düstum
Görmedi bärän kimesne çeşm-i giryānum gibi

5 Mihnet-i küh-i belâda āh kim ḡam yirine
Ey Muhibbi olmaya bu ṣine ḫalqanum gibi

99*

Vezin: - . - / - . - / - . - / - . -

1 Hälume râhm itmeyen ol dilber-i ra' nā gibi
Aklumı târâc iden āh ol meleksimā gibi

2 Zülfünün zenciridür eyleñ ' ilâcum dûstlar
Bu dimâğumu perişân eyleyen sevdâ gibi

3 Tekyeye cem' olmuşuz ' işkuñ nice abdâhiyuz
Veys ü Ferhâd ile Mecnûn Vâmiķ u ' Azrâ gibi

4 Hasteyem devrân ḡamından sâkiyâ sun bâdeyi
Olmaya def'-i ḡama hâç sâğar u şahbâ gibi

5 Kûyına varsa Muhibbi itleri karşu gelür
Āşinâlik gösterüler ol daňı ḡavgâ gibi

100*

Vezin: - . - / - . - / - . - / - . -

1 Sâki urı tur toldurigör câm-i zücâci
Haste gönüle gel idelüm bir dem ' ilâci

2 Yüzüñe nazar eyleye ger bir kere Rîdvân
Vecd olubanı yirden ata göge otacı

3 Kâküllerini dağıdıcak gül yüzü üzre
Misk-i Hoten'üñ ḫalmaya bir ȝerre revâci

4 Öldürdi bu ben hasteyi ey cān ḡam-ı hicrân
Raḥm eyle ki ' usşâk olalar saña du'āci

5 Ey dûst varup işigüñi bâlin idelüm
Yaşdansa revâdur harem-i Ka'be-yi hâci

6 Raḥm eyle ' atâ eyle Muhibbi'ye lebüñden
Cān hastesinüñ büse-yi la'ı oldu ' ilâci

* PB: 7449.

* PB: 7540, MN: 5051.

* PB: 7679.

101*

Vezin: - . . . / - . . . / - . . . / - . .

- 1 Cilve kılsa ol perī geyse libâs-ı ahmeri
Aña beñzer lâlezâr içre seker kebk-i derî
- 2 Cilvesin hûnâb idelen öldürür ‘âşıkları
Bir bôltük bîçâreler kanına girmış ol perī
- 3 Câme-yi gülgün ile her kim görürse dûstum
Dir tûlûc itmiş şafağdan âfitâb-ı hâverî
- 4 Yoluña virsem ‘aceb midür şehâ cân ile ser
Hey ne cânlar cânısın ey servkadler serveri
- 5 Ruhları şem’ine mahv oldı Muhibbī serteser
La’lgûne câme geydi yine beñzer ol perī

102*

Vezin: - . . . / - . . . / - . . . / - . .

- 1 Mîr ü meh olursa saña cân u dilden müsterî
Çünkü hûblar ahterinün çünki sensin ülkeleri
- 2 Germ olurmuş aşılıp karşuñda her dem âyîne
Nice başdan aşmasun yüz virdüñ aña ey perī
- 3 Ol serefrazum kaçan kim nâz ile seyrân ide
Dir görenler usda budur servkadler serveri
- 4 ‘Âşık oldısa saña sevdiyse kâfir olmadı
Nice bir öldüresin sen bigüneh ‘âşıkları
- 5 Seyr idüp ağıyar ile bâziçe itdükçe nigâr
Bu Muhibbī semme vechullâh olur cândan berî

103*

Vezin: - . . . / - . . . / - . . . / - . .

- 1 Kâmetüm dâl olduğuna kimse ‘ayb itmez beni
Başdan ayaga cefâsim bildiler ‘âlem seni
- 2 Gamzesiyle bu dil ü cân dâyimâ mecrûhdur
Çıkmayısın sîneden ölince kanlu demreni
- 3 La’l-i nâbuñ Hâk bilür kim mürdeler ihyâ ider
İmtihân itmek dilerseñ dûstum öldür beni
- 4 Gül yüzünsüz itmezem ben bâg-ı Firdevs’e nazâr
Sensün bir görürem ben gülşen ile küljhani
- 5 Müdde’î râgminadur her demde cânâ güldüğüm
Bu Muhibbī görmez ise bir nefes ey vâ seni

104*

Vezin: - . . . / - . . . / - . . . / - . .

- 1 Kimse bilmez hîç ‘âşık yârdan ağıyarını
Hâr elinden nite bülbül alımañ gülzârını
- 2 Dâyimâ ol sengdil şalar beni ferdâlara

* PB: 7756.

* PB: 7757.

* PB: 7803, MN: 4865.

* PB: 7829, MN: 4915. 4: -PB, 6: -PB.

Âh kim geçdi günüm görmem anuñ dîdârını

- 3 Çünkü bir şîrinlebe virdüm göñül Ferhâdveş
İhtiyâr itdüm belâ kuhsâruñ kuhsârını
- 4 Kumridur şan serv dahi üzre itmişdür karâr
Her kaçan boynuma salsa zülf-i ‘anberbârını
- 5 Ruḥları devrinde hâli geldi ımâna velî
Bu ‘acebdür daḥı kesmez zülfünүñ zünnârını
- 6 Niçe yıldur ol gözü tîmâra bîmâr olmuşsam
Ol ṭâbiḥ-i dil niçün görmez gelüp bîmârımı
- 7 Mürde cismüñ ey Muhibbi bulur idi tâze cân
Ol Mesîhâ’nuñ eger gûş eylesen güftârını

105*

Vezin: - . . . / - . . . / - . . . / - . .

- 1 Ey göñül çün ‘ışka uydun zâr u giryân ol yüri
Giceler tâ şübhâ dek ney gibi nâlân ol yüri
- 2 Çünkü ṭolaşduñ ser-i zülfine yâruñ bilmedin
Kâkül-i dilber gibi ey dil perişân ol yüri
- 3 Hüsn ilinüñ şâhisin evc-i felekdür menzilüñ
Gün gibi meşhûrsın ‘âlemde sultân ol yüri
- 4 Gûlsen-i hüsnuñde ko bülbül gibi efgân idem
Serv gibi sen şalın gûl gibi handân ol yüri
- 5 Leylîzülfine nigâruñ ṭolaşup Mecnûn gibi
‘Işk câmîn nûş idüp sermest ü hayrân ol yüri
- 6 Ey Muhibbi ol lebi şîrine çün irmez elüñ
Sen de Ferhâd ol bu ǵam kühinda ķurbân ol yüri

106*

Vezin: / / / . . .

- 1 Var idi ben ķulına ol şehüñ ‘âlinazarı
Sîneden eyler idi ǵamzesi her dem güzeri
- 2 Eyledüm hasret ile yüzümi zer yaşımu ısim
Karşuma ince bilin կocalı zerrîn kemeri
- 3 N’ideyin ne կlayın bu dil-i dîvâne կlur
Görinür gözlerume gâh görünmez o peri
- 4 Bu göñül şehrîne ey düst hayâlüñ gelicek
Aña pîşkeş çekerem mâlažarı cân u seri
- 5 Çesmümüñ eşki eger կalmasa ‘ayb eylemeñüz
Dîdeden akmâg ile կalmadı һün-i cigeri
- 6 Salmışam baḥr-i ǵama dûstlar dil gemisin
Garık olam yâho bulam arayuban ol güheri
- 7 N’iderem kuḥl-i Șîfâhân’ı getür gözlerume
Tûtiyâ yirine ey bâd-i şabâ hâk-i deri

* PB: 7870, MN: 4979. 5: -PB.

* PB: 7940.

8 Daḥı şem' ine Muḥibbī dil ü cān yansa ne ḡam
Çünkü pervāne göre şem' e yaḳar bāl ü peri

107*

Vezin: .----/.----/.----/.----

1 Kamer devrinde ol mehrū geyer zerrīn kūlāh egri
Şanasın ebürdür zülfî olur geh tōgrı gāh egri

2 Eyā zāhid naṣar Ḳılsañ eger bir kez o mehrūya
Görinmez pertev-i hüsün̄ idersin cün nigāh egri

3 İder zülf-i perişāni perişān göñlin 'uşşākuñ
Benüm āh u fiğānumdandur ol zülf-i dütāh egri

4 Dir imiş müdde' ī yāra deguldür yoluña şādiķ
Ma'āzallāh ma'āzallāh degülven ben i şāh egri

5 Kaşı miḥrābına karşı durup bu dil ķiyām üzre
Maḥabbet destrâhında bulılmaz bir giyāh egri

6 Çemen seyrānnın eylerken çü gördü eşk-i pürçəsmüm
Diler pāyına yüz sürmek akar gāh tōgrı gāh egri

7 Muḥibbī āh u efgāni eser itmez saña cānā
İrişür ķadd-i bālāna olur dūd-i siyāh egri

108*

Vezin: .----/.----/.--

1 Kaçan kim görmesem gül yüzlü yārı
İder bülbül gibi dil āh u zārı

2 Kemānebrū güzeller çokdur ammā
Kamusı bende oldur tācdārı

3 Aküp hün-i ciger bu gözlerümden
Dükendi acığ ile cümle vari

4 Geçüp tīri kalur peykānu dilde
Ölürsem dilde kalur yādigārı

5 Ölürsem ey şabā kūyına yāruñ
İlet yirden götür bu hāksarı

6 Dimişler bizden öñdin garķ olanlar
Bulılmaz bahṛ-i 'ışķuñ yok kenarı

7 Göreliden gün yüzünü bu Muḥibbī
Gezer zerre gibi yoķdur karārı

109*

Vezin: .----/.----/.--

1 Anuñ kim tāli'i kılmadı yāri
Bulur mı cidd ü cehd ile o yārı

2 Tutupdur jeng-i ḡam dil āyinesin
Meded sākī gider dilden ǵubārı

3 Melāmet ta' nimi gel atma zāhid
Deguldür çünkü elde iħtīyārı

* PB: 7984, MN: 5395. 5: -PB, 6: -PB.

* PB: 8000, MN: 5417. 5: -PB.

* PB: 8001, MN: 5418. 4: -PB.

4 Belā kuhsarı olaldan baña baş
Gözümün̄ ‘aynidur onuň biňarı

5 Şafak şanmaň gorinen āsumändä
Tutuşdı āhum odından kenarı

6 Muhibbī mestdür cām-i elestden
Ayılmaz haşre dek anuň humarı

110*

Vezin: . . . / . . . / . . . / . .
1 Gitdi şabrum bilüm ey şuh-i cihān sen gideli
Ten ḥarāb olsa gerek gitdi cü cān sen gideli

2 Nāz ile çıktı revān oldu çün ol serv-i revān
Eşküm ol demde revān oldu revān sen gideli

3 Gerçi kim şaklar idüm mihrünī s̄inemde velī
Göñül aşüfte olup itdi ‘ayān sen gideli

4 Tā’at ü zühdî koyup elde tutup sāgar-i zer
Leblerüñ yādı ile oldu revān sen gideli

5 Bu Muhibbī idiser kendüyi rüsvā-yı cihān
Gitdi şabrum bilüm ey şah-i cihān sen gideli

111*

Vezin: . . . / . . . / . . . / . .
1 Bu cihānuň nesi var zecr ü ‘anādan ḡayı̄
Arasaň nesnesi yok derd ü belādan ḡayı̄

2 Kaşdum oldur ki virem cān u cihān yoluňa
Yoğ imiş čünki hüner cūd u seħādan ḡayı̄

3 Günde biň kez n’ola düşnām ile aňsa beni yār
Elümüzen ne gelür aňa du‘ äadan ḡayı̄

4 Hecri ile ne belā çekdüğini cān u göñül
Yāra kim itsə haber bād-i sabādan ḡayı̄

5 Bu Muhibbī kime yārum diye aḡyār olur ol
Kimsesi yok bu cihān içre Ḥudā’dan ḡayı̄

112*

Vezin: . . . / . . . / . . . / . .
1 Bu dīde şehā ḥasret ile ḫana boyandı
Dil åteş-i ‘ışk ile daňı odlara yandı

2 Bilmezdi göñül böyle cefakār olasın sen
Bīçäre ne bilsün seni ol yār ola şandi

3 Nār-i ḡam ile yandı serāser dil ü cān āh
Ten ḫalmış idi yanmadık ol da oda yandı

4 Sensüz ne ola ḥāli eyā rūh-i revānum
‘Akl ise perākende vü şabr ise dükendi

5 Gel şima Muhibbī ḫuluňuň göñlini ey dūst

* PB: 8043.

* PB: 8055, MN: 5298.

* PB: 8087, MN: 5473.

Kim ide bütün anı ki çün şîşe uşandı

113*

Vezin: - . - / - . - / - . -

- 1 Zülfüne el uzadur şimdi begüm şâne gibi
Toğrasun tiğ-i zamâne anı dendâne gibi
- 2 Şem^c -i ruhsarını yâruñ göreli cân u göñül
Cân atar bâl ü peri yakmağa pervâne gibi
- 3 Gevher-i eskümi gel yirlere şalma kerem it
Şadef-i çeşmüm anı besledi dürdâne gibi
- 4 Zülfî zencîrine bağlansa anuñ tañ mi göñül
Tolaşur şübhâ degin kuyunu dîvâne gibi
- 5 Ey Muhibbiⁱ yüri dil şâd idegor sâgar ile
Çâre olmaya şamuñ def^c ince peymâne gibi

114*

Vezin: - . - / - . - / - . - / - . -

- 1 Kâni ol dem kim benüm bir zülfî şânum var idi
Bir elümde şabgâb u bir elde cânum var idi
- 2 Bulmış idüm dünyeye içre her ne kim maşşûd idi
Dergeh-i maşşûddaki ihtirânum var idi
- 3 Şimdi bîrûn oldum ise dergehinden ol şehûñ
İtleri içinde bir dem hâyî/nânum var idi
- 4 Kimseler hâlüm dîmez bu ben garîbüñ bir zamân
Yâra kendüm 'arz iderûm her ne kânum var idi
- 5 Niçe yillardur Muhibbiⁱ bend-i derd içindedür
Yañılıp bir gün dîmez şunda gûlânum var idi

115*

Vezin: - . - / - . - / - . - / - . -

- 1 'Âteş-i 'ışka yanardum olmasa bu göz yaşı
Göz yaşına garık olurdum olmasa 'ışk âtesi
- 2 Bağlama dünyâya dil 'âlemde şâd ol ey göñül
Çün cihân durmaz geçer ger nâhoşı vü ger hoşı
- 3 Hâlimi dâne dökelden ehl-i diller şaydına
Zülf bendine giriftâr oldu bu göñlüm kuşı
- 4 Medh-i hüsninde anuñ bildüm zebânum 'aczini
Kime teşâbih idelüm yâ Rab o hüsn-i mehveşi
- 5 Hûblar gerçi Muhibbiⁱ 'âlem içre çok velî
Gözler görmiş degül senüñ gibi 'âşik kişi

116*

Vezin: - . - / - . - / - . - / - . -

- 1 Yâr cüñki bu yıkılmış göñlumi yâd eyledi
Kîble hâkkı dûstlar şan Ka^cbe bünyâd eyledi

* PB: 8101, MN: 5290.

* PB: 8135.

* MN: 4859.

* MN: 4988.

- 2 Görelî Leylâ şaćın düşdüm belâ şahŕasına
Ol lebi Şîrîn beni ‘âlemde Ferhâd eyledi
- 3 Gülsitân-ı dehr içinde gördü gül bîhâr yok
‘Andelîb-i dil anuñcûn âh u feryâd eyledi
- 4 Kimdür ol bu çerh elinden yudmaya kan tâs tâs
Kimdürür anı felek bu ǵamdan  zâd eyledi
- 5  rzû-yı vaşl  ilmazsa Muhibbî  a n degül
‘Işk anı rûz-ı ezelden hecra mu‘tâd eyledi

SONUÇ

Bu çalışmada 16. yüzyılda yaşamış, hem padişah hem de şair olan Muhibbî'nin, Dîvân'ında yer almayan ve 16. yüzyılda derlenmiş üç nazire mecmuasında bulunan 116 şiiri tespit edilmiş, bu şiirlerin metinlerine yer verilmiştir.

KAYNAKÇA

- AK, Coşkun(1987). *Muhibbî Divanı*, Ankara: Kültür ve Turizm Bakanlığı Yayıncıları.
- AVŞAR, Ziya(2008)."Tenkitli Metin Neşrine İmla Sorunu Üzerine Yeni Düşünce ve Öneriler",*International Periodical For the Languages, Literature and History of Turkish or Turkic*, S. 3/6, s. 59-95.
- ÇABUK, Vahit (1980).*Dîvân-ı Muhibbî I-II-II*, Tercüman 1001 Temel Eser: 154-155-156, İstanbul.
Dîvân-ı Muhibbî, Matbaa-i Osmâni, İstanbul 1309/1893/94
- Eğridirli Hacı Kemâl, *Câmi’ u n-nezâ’ir*, Beyazıt Kütüphanesi, Nu. 5782.
- GIYNAŞ, Kamil Ali (2013).*Pervâne Bey Mecmuası (Înceleme-Metin)*, Yayımlanmamış Doktora Tezi, Yozgat: Bozok Üniversitesi Sosyal Bilimler Enstitüsü.
- KÖKSAL, M. Fatih (2009)."Metin Neşrine Vezinle İlgili Problemeler, Bazı Tespit ve Teklifler",*Divan Edebiyatı Araştırmaları Dergisi*, S. 3, s. 63-86.
- KÖKSAL, M. Fatih, *Edirneli Nazmî Mecma’ii n-Nezâ’ir (Înceleme-Tenkitli Metin)*, Erişim: 04.11.2013.
<http://ekitap.kulturturizm.gov.tr/dosya/1-292688/h/edirneli-nazmi-mecmaun-nezair.pdf>